



Team Dreyer lo
representa Aruba
na Colombia

Pagina 5

Diabierna 9 di December 2022 www.bondia.com Email: noticia@bondia.com Tel: 582-7800 Fax: 582-7044 1,75 Florin



**HOH y ImSan a firma acuerdo di
cooperacion**

Pagina 3

- **ATIA: Plan di
Impuesto ta
tene cuenta
selectivamente cu
algun preocupacion**

Pagina 4

- **Partido Raiz ta
indica cu ta apoya
igualdad**

Pagina 2

- **Delegacion di
Aruba a bishita
burgemeester
Aboutaleb di
Rotterdam**

Pagina 6

**Parti di edificio ex-Botica
Aruba na Steenweg ta bira
un restaurant**



Pagina 2

**Peticion pa extende subsidio pa
combustible na Corsou**



Pagina 8

**Venezuela: Gruponan arma tin presencia den
un di cada cuatro scol na frontera**



Pagina 11

Parti di edificio ex-Botica Aruba na Steenweg ta bira un restaurant



Ayera mainta a keda anuncia cu un parti di edificio di ex-Botica Aruba ubica na caya Steenweg ta bay bira un restaurant pa loke Stichting Monumentenfonds Aruba a conta cu esaki ta e di dos fase di restauracion di e lugá aki.

Anne Witsenburg director di e fundacion a trece dilanti cu manera ta conoci e edificio aki a wordo construi na aña 1925 door di Adison Croes y na aña 1935 nan a habri e prome botica yama Botica Aruba door di famia Nouel unda nan tabata biba ariba y e botica tabata abao.

Na cuminsamento di añanan 90 nan a bende e cas unda cu despues a habri El Mercado na aña 1993 caminda nan a expande e edificio un poco mas perdiendo un poco su estado original, manera Witsenburg a sigura.

Despues e local ey a cera na 2015 y Stichting Monumentenfonds a compra e edificio for di nan unda nan a presenta un plan pa restaura e lugá aki y pa duna e edificio un bida nobo, nan a introduci un grupo di artistanan pa keda eynan for di 2016 te cu 2019 mientras e plannan tabata den proceso.

Despues nan a cuminsa cu e parti di restauracion pafo di edificio “p’esey el a keda bunita asina aki y e tin su colornan original” Witsenburg a bisa.

Ora pandemia di Covid-19

a yega na Aruba, tabata hopi difícil pa nan busca huurdonan pa asina ey por haci uso di e edificio, pa algun tempo e lugá a keda bashi caminda e aña aki Stichting Monumentenfonds a firma un huur overeenkomst cu un huurdo nobo unda e edificio ta bay haya su di tres funcion den su bida y lo bira un restaurant.

“Nos ta hopi orguyoso di anuncia cu cuminsamento di aña 2023, den e prome lunanan pasobra nos no tin un fecha precies, ta bay habri e restaurant Koal”, Witsenburg a anuncia.

Di su parti Albert Raven hunto cu Tommie Rensen ken nan ta doñonan di loke ta bay bira e restaurant aki a conta na medionan presente den e conferencia di prensa cu nan ta bay ocupa e parti abao di e edificio caminda nan lo habri un ‘chef table’ disponibel pa 16 persona so pa anochi, “e ta bay ta hopi intimu y special unda a mi lo ta cushinando y Tom lo ta sirbiendo nos guestnan”.

Esaki ta pa motibo cu pa hopi biaha segun Raven a declara, e chef no por conecta cu e invitadonan pa loke esaki ta duna oportunidad na tur hende pa por tin mas contacto cu nan di un manera mas personal, “mi ta kere tur hende ta busca esey”, el a bisa.

E concepto di e restaurant basicamente ta bay ta loke nan ta desea di cushina, esey

ta nifica cu cada anochi lo tin diferente cuminda. “E ta mas tanto loke mi por haya local, nos ta bay focus riba produccionan local y e tambe ta un tiki internacional” Raven a señala.

Igualmente el a sigura cu e tin hopi experiencia den area aki trahando na Abu Dhabi cu Dubai unda e tin hopi influencia Asiatico y e ta bay purba di mix esey cu e cultura Arubiano.

Raven a crece den cayanan di Aruba tambe y el a conta cu ta great pa wak con cayanan di Playa a cuminsa crece back.

Pa scoge e lugá aki, el a comenta cu nan tabata buscando lugá y un persona conoci a bis’e pa puntra pa e edificio aki y ora nan a wak edificio nan a ripara cu ta e lugá ideal pa nan habri nan restaurant. Pa februari aproximadamente nan tin planea pa habri pero esey ta depende di materialnan y con e proceso di apertura ta bay, ademas cu e lugá mester keda cla.

Witsenburg tambe a trece dilanti cu e huurdonan ta bay usa un piso so, pa loke ta nifica cu nan ta sigui busca clientenan pa e parti di ariba di e edificio, nan tin contacto caba cu algun hende cu ta interesa y nan ta espera cu pronto nan por huur e parti di ariba tambe.

Nan como fundacion ta indica na e huurdonan cu e cambionan cu nan por haci den edificio por haci’e den e parti paden, si nan kier cambia color di muraya nan por haci’e, nan como fundacion ta take care di full e mantencion di e parti pafo di edificio y nan ta drecha loke tin mester.

Pa loke ta trata tur monumento cu ta proteha door di Land Aruba ta Monumentenbureau esun cu ta duna e reglanan, nan tambe tin reglanan cu e fundacion tin cu sigui y cualkier cos cu nan haci nan ta pidi permiso pa Monumentenbureau manera ta wordo pidi pa construi un cas nobo.

Tin algun cos cu nan mester tene na cuenta cune pa no dañe e parti exterior di edificio, den caso aki ta bay bin un borchí cu e nomber di e restaurant pero e lo ta algo chikito, pa hende sa cu tin un negoshi eynan.



Partido Raiz ta indica cu ta apoya igualdad despues di tuma nota di sentencia di HOF

Ayera atardi den un comunicado riba nan Facebook Page, Plataforma Raiz a informa cu nan tuma nota di e sentencia di Hof y nan ta subraya nan posicion pa sostene derecho igual na Aruba.

Den e comunicado ta indica cu “Raiz semper a para pa derecho igual pa tur ciudadano, incluso e derecho pa union. Tanto nos parlamentarionan como ministernan ta traha activamente pa un sociedad inclusivo. Derecho igual pa un miho Aruba!”, ta señala.

“Un sociedad inclusivo ta un sociedad cu ta para pa derechonan igual”, tambe a agrega.

Na 2017 Partido Raiz a hancra inclusion y derechonan igual den su principianan, na juni di e aña aki Raiz a uni cu partido Accion21 y MAS pa yega na un ley di iniciativa pa matrimonio entre pareha di e mesun sexo.

Den esaki, ministerraad a bay di acuerdo pa introduci cambio den Codigo Civil pa duna mas derecho na parehanan den union civil, pero esun cu por haci e cambio ey mester ta Parlamento di Aruba.

Manera a bira conoci, par di dianan pasa Hof a dicta sentencia cu matrimonio entre pareha di mesun sexo por ta posibel na Aruba y na Corsou pero tambe ta conoci cu e sentencia aki no tin consecuencia pa duna pareha di mesun sexo e posibilidad por pidi pa adopcion di un mucha of tampoco ta duna derecho pa un casa di un matrimonio di mesun sexo pidi adopcion di e yiu di su casa.

Na Aruba ta trata di un caso cu Fundacion Orguyo y un pareha di dos hende muhe a entama contra pais Aruba. Fundacion Orguyo pa algun tempo caba ta vocifera nan lucha pa igualdad completo pa e comunidad LGBTIQ+. Esaki sin duda ta un logro pa e fundacion y e comunidad.

Segun e comunicado oficial ta indica, Corte Europeo pa Derecho Humano na varios ocasion a dicidi cu e Tratado Europeo di Derecho Humano (Tratado Europeo pa Proteccion di Derechonan Humano y Libertadnan Fundamental) ta permiti cu paisnan por stipula cu unicamente parehanan di sexo diferente por casa cu otro.

Corte Comun no ta considera su mes liber pa husga di otro manera cu Corte Europeo a haci pa cu esaki.

Ta crucial den e consideracionnan di Corte Europeo cu e Tratado Europeo ta inclui un disposicion den cua ta hancra e matrimonio tradicional entre personanan di sexo diferente. Corte Europeo a husga cu mester aplica e prohibicion di discriminacion cu ta contene den e Tratado Europeo den estrecho coherencia cu e disposicion aki.

HOH y ImSan a firma acuerdo di cooperacion

Ayera mainta durante un conferencia di prensa Minister di Salud y Turismo, Dangui Oduber, a anuncia e firmamento di un MoU, acuerdo di cooperacion, entre e dos institutonan di cuida medico na Aruba, Dr. Horacio Oduber Hospital y ImSan.

Minister Oduber a splica cu durante e ultimo lunanan nan tabata trahando intensivamente riba e negociacion pa yega na un acuerdo di cooperacion pa prome biaha den historia. “P’esey nos ta considera e momento aki uno hopi special y uno historico caminda e dos institutonan cu ta duna cuida medico na Aruba, HOH y ImSan lo bay firma un acuerdo di cooperacion caminda AZV y Ministerio di Salud lo firma tambe”, minister a bisa.

Pa yega na e acuerdo aki, Minister a indica, nan a duna hopi tempo y espacio tanto na ImSan y como tambe HOH pa duna nan feedback y contribucion pa asina tur e partidonan tin consenso riba e contenido di e MoU pasobra esaki lo ta prome den historia cu lo firma un MoU na unda e partidonan en cuestion lo traha mas intensivo cu otro.



Minister a resalta e calidad di cuida cu HOH y ImSan ta brinda e comunidad di Aruba, e calidad halto di servicio, e profesionalismo y specialismo cu tin den ambos instituto.

Pero na mesun momento el a remarca cu mester ta consciente di tur e retonan cu tin, cual ta entre otro cu comunidad di Aruba no ta esun di mas saludabel, tin hopi ase-

gurado cu ta sufri di malesan cronico, e envejecimento dobel y tambe e presion di e recorte.

Pa e motibo ey tambe na comienso di aña 2021, Minister Oduber a sigui splica, hunto cu tur stakeholder den cuida medico na Aruba, nan a traha riba un rapport cu a wordo presenta riba nan pensamiento, riba nan posibel solucionnan di tur e retonan cu tin den cuida medico na Aruba.

Ministerio di Salud y tambe AZV a contrata profesionalnan pa haci un investigacion pa e efectividad y eficiencia di cuida medico na Aruba y nan tambe a presenta posibel solucionnan. A base di e dos rapportnan aki Ministerio di Salud a traha un ‘road map’ cu ta hancra den landspakket. Un di e temanan cu tambe ta hancra den e ‘road map’ aki cu a wordo presenta na Gobierno na Hulanda y tambe Ministerio di VWS ta e tema di cooperacion entre HOH y ImSan.

E cooperacion tin diferente temanan cu ta wordo atendi cune. E temanan cu ta wordo menciona den e acuerdo di cooperacion ta entre otro un miho cooperacion naturalmente entre ambos instituto, e personal, e cooperacion entre specialistanan cu ta traha den ambos instituto, un miho cooperacion den e cuida cu ta wordo brinda na pashentnan cu ta sufri di diabetes y dialyse, traha mas den conhuntoden compra di remedinan, sistemanan y tambe ekipo,

y tambe integracion den e sistema di IT.

“Mi ta kere esaki ta un bon base di cooperacion pa cuminsa traha mas estrecho cu otro. Nos tin pleno confiansa den e profesionalismo, den e experticio cu ambos instituto ta brinda y nos ta convenci cu e cooperacion aki lo mehora e efectividad y e eficiencia den cuida medico”, Minister Oduber a señala.

Por ultimo Minister a enfatisa cu e intencion tras di e firmamento di e MoU aki ta ofrece un miho calidad y servicio di cuida medico na Aruba. “Esaki ta e comienso, e base, e fundeshi cu ta wordo poni pa futuro pa e dos institutonan aki traha mas cerca di otro pa asina comunidad tambe nota e diferencianan unabes cu firma e MoU”, el a finalisa.

Director di HOH, Jacob Vroegop, a expresa su gratitud pa e momento historico aki. “Mi ta hopi contento di por ta sinta akinan awe. Manera a wordo bisa caba pa hopi luna nos a dialoga ariba e acuerdo di cooperacion aki y e cooperacion ta hopi importante riba varios tereno y na final e ta bay back na e pashentnan”, el a indica.

Vroegop a splica cu e acuerdo di cooperacion aki ta pa e institutonan complementa otro y pa asina hunto nan por traha pa hospital, pe e clinicanan, pa e hendenan y cu hunto nan por tuma e responsabilidad di locual e comunidad ta spera di nan. Pero tambe pa

hunto nan wak e costonan cu ta encera den cuida medico y asina tambe Aruba por ta orguyoso di e servicio di cuida medico.

“Mi ta hopi contento cu finalmente nos a logra e firma aki y mi ta wak esaki como e prome stap”, el a bisa.

Sr. Joel Rajnherc, director di ImSan a gradici tur persona envolvi den e negociacionnan pa tur esfuersonan cu a wordo haci te aworaki pa nan por yega na un “momento monumental den historia di cuida medico na Aruba”.

“Nos tin dos instituto cu nos por ta hopi orguyoso riba dje, cu un isla di aproximadamente 110 mil residente legal por tin dos instituto di calidad halto cu nunca nos a yega di traha echt hunto pa ainda mehora e calidad y servicio, e accesibilidad di e servicio y pa nos zorg cu ora nos bira mas eficiente, cu pashentnan tin mas derecho riba e cuida”, Rajnherc a menciona.

El a remarca cu ainda tin hopi reto, pero esaki ta e comienso di un colaboracion entre e dos institutonan mas grandi. El a enfatisa cu si nan no colabora cu otro, e pashent ta esun cu ta bay sufri y AZV tambe lo sufri pasobra e costo di e cuida ta sigui subi drasticamente. “Si nos no haci algo awo nos ta bay perde tur cos dentro di poco tempo”.

Por ultimo Sr. Edwin Jacobs, director di AZV, a señala cu di parti di AZV nan ta hopi satisfecho cu e logro aki. El a menciona cu e cooperacion entre ImSan y HOH desde hopi tempo caba ta riba agenda di AZV y mas cu dos aña pasa nan inicia cu e esfuersonan pa yega na un cooperacion entre ImSan y HOH bao e asina yama ‘Proyecto Lego’, pero na cierto momento di parti di AZV e esfuersonan no tabata duna su fruto y Minister di Salud a tuma esaki over.

“Awe mi ta sumamente agradecido na minister cu bao su liderazgo nos por pone e base pa forma e cooperacion entre dos e institutonan aki cu ta importante den e reformanan cu nos tin na caminda pa haci nos sistema di cuida un sistema cu por sigui brinda cuida medico di calidad na e comunidad di Aruba den e proximo añanan”, Jacobs a enfatisa.



ATIA: Plan di Impuesto 2023 ta solamente tene cuenta selectivamente cu algun preocupacion di gremionan

Aruba Trade & Industry Association (ATIA), tuma nota di e relato di Premier Evelyn Wever-Croes, y tin cu informa comunidad cu nos ta lamenta cu ta purba crea apoyo politico, pero e berdad a wordo presenta parcialmente y ta husa ATIA su nomber pa esaki. Ta nos obligacion pa informa comunidad di Aruba loke di enberdad a pasa y nos posicion riba e plan fiscal 2023.

Comunicacion cu Gobierno di Aruba (GoA)

MinPres ta informa cu tawata tin reunion cu cohuntamente cu ATIA. Mester informa cu si esaki ta berdad, pero e reunion aki tawata 5 november 2021, pues mas cu 1 aña pasa. Ariba 26 januari 2022, ATIA cohuntamenta cu otro gremionan Aruba Hotel and Tourism Association (AHATA) y Comerciante Uni Aruba (CUA), y tambe Camara di Comercio (KvK), a manda un carta expresando nos preocupacion pa cu e proceso pa introduci un reforma fiscal pa un sistema di BTW. Nos a manda e siguiente cartanan despues di e prome sesion informativo ariba 23 februari 2022 cu Directora di DIMP a duna stakeholders, sin haya oido di GoA of Directora di DIMP:

- 4 maart 2022 dirigi na Directora di DIMP cu cc na MinFIC, MinEZCDO, y MinPres
- 23 maart 2022 a presenta nos (grupo di 4) posicion oficial.
- 28 maart 2022 dirigi na Directora di DIMP cu cc na MinFIC, MinEZCDO, y MinPres
- 20 april 2022, a presenta cartanan y posicion oficial na TWO unda nos a cc Directora di DIMP, MinPres, MinFIC, y MinEZCDO

Despues di e di dos sesion informativo di DIMP ariba 10 mei 2022, tres luna despues di e prone sesion, nos a manda un carta ariba:

- 17 mei 2022 cu nos sugerencianan pa Ministerraad cu cc na Directora di DIMP, CAFT, y TWO.
- 11 juli 2022 e grupo a manda un carta atrobe pa expresa nos preocupacion cu nos no a haya oido y ni un update desde 10 mei 2022.

Na augustus GoA a anuncia cu no lo bin un reforma fiscal pero lo bai na aumenta BBO pero otro medidanan cu a wordo sugeri pa e reforma fiscal si lo wordo implementa. Ariba 18 augustus gremionan y KvK a reuni cu MinPres y Vice-Prome Minister, pero MinFIC y MinEZCDO no tawata presente. Den e reunion aki BBO na frontera a bin na remarke como un sugerencia pa no hisa BBO. Lo amplia mas riba esaki mas abou. Tin cu indica cu ATIA a manda un relato ariba e anuncio di GoA ariba 19 augustus titula "Aumento den BBO ta un solucion facil, pero no corecto". Ariba 13 september, 2022, a manda



un carta atrobe pa MinFIC y Directora di DIMP, cu cc na MinEZCDO, MinPres y Director di Aduana. Riba e carta aki Directora di DIMP a informa e grupo riba 14 september 2022 via e-mail, cu ora ta asina lew y tin un mandato oficial, e grupo lo wordo informa debidamente, pero te dia di awe nos ta wardando. ATIA a manda un carta pa MinEZCDO Minister G. Wever ariba 15 september y nos a haya un reunion ariba 21 september 2022 unda nos a puntra dicon GoA a tuma e decision pa aumenta BBO y tambe nos preocupacionnan ariba esaki. Pues ta importante pa comunidad por mira cuanto carta y relato mester a wordo manda prome cu por a haya oido di un Minister. Desde November 2021 a informa cu pa introduci un BTW mester di tempo amplio no solamente pa prepara comercio pero tambe DIMP pa por efectua un cambio grandi asina. IMF mes ta recomenda minimo 18 luna pa un implementacion corecto y efectivo.

Aumento di BBO

Ariba un aumento di BBO, tin cu in-

forma cu ATIA no ta un proponente di esaki. ATIA tin añas ta expresa cu un sistema di BTW ta uno, si e wordo implementa corectamente, mas husto cu lo hisa cumplimiento (compliance) pa cu pago di impuesto. Pero den mes un rosea tin cu bisa cu e sistema mester ta uno facil cu un base amplio, sin hopi excepcion. Tin cu indica tambe cu no ta un gremio a sugeri pa hisa e BBO, pero esaki a wordo publica den un relato di KvK ariba 28 juni cu "comerciante no por carga e BTW". Tin cu remarca cu enberdad awo no ta oportuno pa introduci un BTW, no solamente paso e lo ta hopi laat pa hasi esaki pero tambe ATIA ta consiente di e efecto inflatorio cu esaki lo tin riba nos mercado.

BBO na frontera

Tin cu indica cu ATIA ta un proponente di BBO na frontera pero solamente pa un periodo transitorio te cu e reforma fiscal tuma lugar pa un sistema di BTW y cu e BBO na frontera ta wordo aplica pa tur comerciante mes un cos ("gelijkheids beginsel"). Como gremio nos mester haya mas aclaracion, riba cua produc-

tonan lo tin excepcion pa no paga e BBO of cu por cobra e BBO bek na DIMP, paso ta wordo papia di "handelsgoederen", pero no kico tur ta cai bou di esaki. Un BBO na frontera lo nivela economia, paso awo tur hende cu ta dicidi di importa producto riba nan mes tambe lo mester paga un BBO, mescos cu un habitante cu ta cumpra producto local.

Compliance

MinPres ta informa cu enberdad cobranza di un Impuesto pa cu Airbnb ta un area di preocupacion, pero tin gremionan cu algun aña caba ta purba yuda cu esaki, pero a tranca ora di firma un MOU cu DIMP. Area nan cu nos ta mas concerni cune ta cu e cumplimiento (compliance) cu pago di BBO ta na 60%. Pues solamente 60% di comercio di Aruba ta pagando nan BBO debidamente. Como un gremio comercial nos ta para cu tur compania y sigur nos miembronan mester cumpli cu ley. Ta pa e hecho aki mes nos como gremio a bisa cu hisando e BBO bo ta "straf" esunnan cu si ta cumpliendo, enbes di bai tras di esunnan cu no ta cumpliendo cu ley cu lo ta e solucion mas husto.

Finalmente tin cu expresa cu tin varios punto cu nos no a haya aclaracion riba dje unda cu nos tawata tin hopi preocupacion of sugerencia con pa implementa riba un manera mas miho. E relato aki di ningun manera mester wordo interpreta cu ATIA ta proponente di e plan fiscal manera e la wordo presenta na parlamento. Nos expertonan ta trahando duro riba nan analisis y ATIA lo saca nos posicion oficial pronto.

E plan fiscal mester dreña na vigor pa 1 januari, 2023, pues aki 24 dia. Ki dia DIMP lo cuminsa informa comercio y comunidad en general ariba e cambionan? Paso tin cu corda cu dianan di fiesta tambe ta den porta, y por a nota cu tin cambionan cu a wordo presenta den pasado como un incentiva pa full comunidad cu den e ley final cu no ta asina por ehempel e Inkomsten Belasting.

Nota di redaccion: E articulo aki ta un comunicado di prensa di ATIA.



WWW.BONDIA.COM

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Ass. Dir. Ehecutivo

Xiomara Arends

Redaccion

noticia@bondia.com

Pilar Flores (hefe di redaccion)

Angenette Figuereo (closer editor)

Leo Maduro

Dilma Arends

Andreina Morillo

Raisa Montilla

Ehecutivo di Benta

aviso@bondia.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Mariette Engelhart

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)

Pablo Libre

Press

Roland Schenker (Hefe)

Omar Ramirez

Martin Boekhoudt

Francis Dirksz

Colaboracion

Luis Villegas

Associated Press

Ret Karibense

Upload Media Aruba

Afiliacion

Sociedad Interamerica
di Prensa (SIP)

DIRECCION

Adres: Weststraat #22

Tel: 582-7800

Email: noticia@bondia.com

aviso@bondia.com

info@bondia.com

Website: www.bondia.com

Facebook: @bondianoticia

Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Team Dreyer lo representa Aruba na Colombia

Ayera mainta Team Dreyer Aruba a sali rumbo pa Armenia, Colombia pa e torneo Future Soccer Cup (FSC). Jimena Borja, coach di Team Dreyer U11, a conta Bon Dia Aruba tur e detayenan di e biahe aki na unda Team Dreyer lo representa Aruba den e torneo aki.

Borja ta conta cu e proposito di e torneo y di e biahe aki ta pa e muchanan por experencia un poco di loke ta e futbol internacional y pa nan wak otro nivel di e wega pafo di Aruba.

“Nos ta kere cu e ta bay ta di hopi probecho pa nos pasobra e muchanan ta bay wak ki ta e nivel di Sur America y tambe ora nan bin back nan por comparti esaki cu tur nan compañeronan di nan club y tambe nan mester sigui traha duro pa nan por sigui haya oportunidadnan manera esaki”, Borja a bisa.

Team Dreyer ta bayendo Colombia cu un total di 14 mucha di cu taden e categoria U11, 9 pa 11 aña di edad cu ta muchanan cu ta destaca den nan clubnan di futbol. E ekipo di Aruba lo tin wegananan contra e club Envigado di Colombia cu ta un club



hopi grandi y famoso na Colombia. Nan ta conoci pa saca hungadonan manera James Rodriguez, Fredy Guarin, Quintero y varios otro hungado importante di Colombia.

“Esaki ta un bon oportunidad pa nos como scol pa sigui crece y asina motiva tur e muchanan pa sigui traha duro”, el a señala.

E invitacion pa e torneo aki, Borja a splica, a yega alrededor di cuater luna pasa y e muchanan a cuminsa cu nan preparacion poco tempo despues di esaki. Nan a train hopi tactiek, techniek y fisico tambe pasobra e weganan ta bay ta hopi duro.

“E muchanan ta train cu nos y cu nan cluba constantemente y mayoria di nan con-

oce otro, esey ta hopi bon pa nos. No ta mesun cos bay cu un compañero cu bo conoce pa un aña caba of bay cu un cu bo conoce un luna pasa. Esaki ta bay ta algo hopi bon pa e muchanan experencia”, el a destaca.

E invitacion pa e torneo a yega a drenta a traves di Borja mes cu tin hopi contact cu hopi hende na Colombia y door cu e scol ta bon organisa y nan sa cu e ta coordinadora di Team Dreyer nan a extende e invitacion.

Team Dreyer ta un scol di techniek. Borja ta splica cu e diferencua entre nan y e clubnan di futbol na Aruba cu nan ta traha tactiek. Team Dreyer ta enfoca ariba e desaroyo motor di e mucha y nan ta traha hopi den e parti motorico y e techniek di e mucha. “Nos sa cu esaki ta hopi importante pa bay na un nivel mas halto y nos ta enfoca hopi riba esey”, el a remarca.

Team Dreyer tin muchanan di categoria U5 te U17 y depende e categoria nan ta traha riba loke nan mester enfoca mas. Por chempel muchanan chikito nn ta enfoca pa nan tin contacto cu e bala. “E enfoka principal di Team Dreyer ta pa nan desaroya e technica y nos no ta bay hopi diep den e tactiek pasobra nos sa cu esaki ta mas di e clubnan y nos ta respeta esey”, el a agrega.

Por ultimo Borja a gradici e mayornan di tur e muchanan pa nan apoyo y sosten y tambe nan sponsornan. “Sin nan apoyo e biahe aki no lo ta posibel”, el a finalisa



Delegacion di Aruba a bishita burgemeester Aboutaleb di Rotterdam



Prome Minister di Aruba mr. Evelyn Wever-Croes y Minister Plenipotenciario mr. Ady Thijsen recientemente a haci un bishita na burgemeester Ahmed Aboutaleb di Rotterdam.

Durante di e bishita prome minister Wever-Croes a duna un relato di e ultimo desaroyonan na Aruba. E mandatario a bisa cu economia di Aruba a recupera di e pandemia, principalmente cu e sector turistico ta na un nivel prome cu Covid 19. Ademas premier Wever-Croes a bisa cu Gobierno ta tumanda accion pa diversifica economia di Aruba, cu ta un reto grandi pa Gobierno. Ta pensa den direccion di mas industria riba e tereno di e refineria. Aruba ta sondea e posibilidad

di trasbordo di LNG gas pa exportacion pa otro parti di mundo. Na PWC a wordo pidi pa haci un analisis cual direccion economico ta bon pa Aruba. Tambe cu Banco Mundial a defini seis sector cu tin potencia pa economia di Aruba.

Burgemeester Aboutaleb a bisa di ta boga pa Aruba haci e transicion na energia mas sostenibel. Ela muestra riba e construccion di mas turbina di biento cu lo genera energia cu por sirbi pa traha hydrogeno pa asina suministra por ehempel hospital cu coriente y tambe stimula mas auto electrico. Segun burgemeester Aboutaleb na final como pais bo ta crea un economia completamente nobo, cu segun expectativa lo crea

mas cupo di trabao cu ta bai perdi cu den otro sectornan di bo economia. Sra. Wever-Croes a bisa cu Aruba ta den tramite pa bin cu un segundo parke cu turbina di biento.

Actualmente tin un parke solar, pero projectonan asina ta existi masha hopi espacio mes. Aruba lo mester busca inversionistanan pa realisa algun proyecto den e ramo aki. Sr. Aboutaleb a muestra riba e compania Van Oord cu principalmente ta conoci pa trabao di bagger, pero nan ta hopi grandi den construi turbina di biento. Tambe durante di e combersacion a papia riba “solar panels” riba dak di casnan y edificionnan.

Prome Minister di Aruba a bisa cu Gobierno a yega na un acuerdo cu Elmar riba e asunto aki y tambe Gobierno lo bin cu un certificado pa e “solar panels”. Un biah mas burgemeester Aboutaleb a subraya den su combersacion cu e delegacion di Aruba e importancia di transicion di energia y e cantidad di cupo di trabao cu esaki lo genera.

Minister Plenipotenciario Ady Thijsen na su turno a bisa cu su vision como Minister ta pa haci Aruba mas visibel na Hulanda y tambe pa estresa e lasonan no unicamente cu e Gobierno di Reino, pero tambe cu e gemeentenan. Provincianan

y institutonan na Hulanda. Sr. Thijsen a muestra riba combersacionnan cu ela hiba cu otro burgemeesternan y ariba cual tereno por yega na cooperacion entre gemeentenan y Aruba. Burgemeester Aboutaleb a bisa cu Rotterdam ta habri pa intercambia conocimiento. Pa esey no mester di un convenio apart, pero un peticion di e indole aki por bin di Gobierno di Hulanda, por ehempel di e ministerio di BZK. Burgemeester Aboutaleb a muestra riba e hecho cu Rotterdam por comparti conocimiento cu Aruba por haci uso dje.

E potretnan ta cortesias di Arubahuis



Medwork aproba pa haci keuringnan di profesionalnan den aviacion

Diaranson atardi 7 di december, riba Dia Internacional di Aviacion Civil, e compania Medwork a ricibi for di Minister di Transporte, Integridad, Naturalesa y Asunto di Adultonan Mayor, Sr. Ursell Arends, nan certificado di aprobacion.

Cu esaki, Medwork a keda oficialmente certifica door di Directie Luchtvaart pa por haci keuring medico di profesionalnan di aviacion, manera pilotonan y controladornan di trafico aereo.

Minister Arends ta hopi contento cu e logro aki ya cu esaki ta haci cu e compania Medwork ta bira un stakeholder nobo y importante den e ecosistema di aviacion

civil na Aruba.

E compania a pasa door di un sistema di certificacion rigido cu ta inclui, entre otro, trainingnan na Hulanda pa por specialisa den e parti aeromedico. E certificado di aprobacion a wordo entrega door di Minister Arends na Dr. Natalie Neira, den presencia di sr. Edwin Kelly, Director di Departamento di Aviacion Civil, y demas coleganan di Directie Luchtvaart y Medwork.

Minister Arends ta gradici e compania Medwork pa nan confiansa y dedicacion pa haci e inversion y e esfuerzo grandi pa e logro aki. Ta manda palabra di felicitacion y ta desea Medwork tur clase di exito.





Awo cu 2 florin mas, bo por gana e

*** Afl. 480.000,-**

* Afl. 370.000,- + Afl. 110.000,-
extra

Benta ta sera 7:30 pm y sorteo ta hunga 7:45 pm

MEGA PLUS



HUNGA AWO









Minister Dangui Oduber

Pa prome biaha den historia tin un acuerdo di cooperacion firma entre HOH y ImSan



Diahuebs den oranan di mainta a firma un acuerdo di cooperacion (MOU) entre Ministerio di Turismo y Salud Publico, HOH, ImSan y AZV. Minister Oduber a señala cu ta pa prome biaha den historia e instituto di HOH y ImSan ta bay traha hunto intensivamente.

E MOU aki lo bay yuda na mehora e servicio y e calidad di cuida na Aruba, banda di esaki e MOU aki ta haci cu Aruba ta cumpli cu e Landspakket poni pa Hulanda. Cu e acuerdo firma aki HOH y ImSan ta bay traha hunto na un manera mas eficiente pa duna un mihor cuida na nos comunidad y pa mantene nos fondo di AZV sostenibel.

E firmantenan di e MOU importante y historico aki tabata Minister di Turismo y Salud Publico Sr. D.P. Oduber, B.Ec – E president di Raad van Bestuur HOH, drs. J.E.M. Vroegop – E director ImSan, drs. J.R. Rajnherc, kinderarts y e director AZV, ir. E.M. Jacobs.

E mandatario a trece dilanti cu e ta contento di e profesionalismo y calidad di cuida cu HOH y ImSan ta duna na nos comunidad. Awor cu e acuerdo di cooperacion aki esaki ta bay mehora aun mas. Pa locual ta nos seguro medico general (AZV), esaki Aruba mester ta orguyoso di dje mirando cu nos ta un di e poco paisnan na mundo cu tin un seguro asina extensivo. Hopi paisnan grandi y avan-

sa no tin un seguro general manera esun di AZV, e mandatario ta remarka.

Minister Oduber a papia tambe riba e retonan cu tin den Salud Publico, Aruba no tin e comunidad di mas saludabel. Tin hopi asegurado cu ta sufri di malesanan cronico. Nos tin “dubbele vergrijzing” y tambe ta existi e presion cu Hulanda a impone pa corta presupuesto di AZV cu ta den e Landspakket.

Minister Oduber a splica cu na januari di 2021 a duna e tarea pa haci un investigacion riba eficiencia, efectividad y financiamiento di cuida na Aruba na professor Hubben y professor Batenburg. Na januari di 2021 a institui tambe un comision nacional di cuida cu a haya como tarea pa trece diferente recomendacionnan dilanti di con nan ta pensa cu nos por yega na e recorte di 60 miyon florin den cuida. A crea un Roadmap con y unda ta bay haci e reformanan necesario pa garantiza cu AZV ta keda sostenibel.

Den lineanan grandi e MOU aki lo bay percura pa un mihor cooperacion den ambos instituto, un mihor cooperacion entre e personal esta e specialistanan cu ta traha den ambos instituto. Tambe pa brinda un mihor cooperacion na e pashentnan cu ta sufri di malesanan manera diabetes y dialyse. Pa traha mas conhunto den compra di remedinan, sistemanan y ekiponan. Tambe un mihor



cooperacion den e sistema di IT.

Minister Oduber ta di opinion cu esaki ta un bon base pa cuminsa traha mas estrecho cu otro y e mandatario tin pleno confiansa den e profesionalismo y e experticio cu ambos instituto ta brinda. Tambe minister Oduber ta convenci cu e cooperacion aki lo mehora e efectividad y eficiencia den cuida medico y naturalmente e calidad di servicio cu ambos instituto ta brinda.

Finalmente e mandatario a gradici Sr. Vroegop di HOH y Sr. Rajnherc di ImSan y tambe na Sr. Jacobs di AZV cu durante e ultimo lunanan a traha duro riba e MOU pa asina por a firma locual ta e producto final cu e meta pa mehora e calidad di cuida y servicio.



Disculpa di Hulanda pa sclavitud den pasado no ta fiha pa dia 19 di december

Rutte ta bisa cu e fecha ta bay ta 'significativo'

(CuraçaoChronicle) – E status di e disculpa di estado Hulandes pa sclavitud den historia ta muestra menos sigur despues di un combersacion ayera entre miembronan di e Gabinete y representantenan di varios organisaicon cu a pidi pa disculpa pa años. Den e dos siman desde cu e plannan di e Gabinete a leak, a ricibi critica di gruponan representando e descendientenan di esclavo, e porcion Caribeense di Hulanda, y Surnam.

Despues di e reunion na Catshuis ayera, Rutte a djs confirma cu dia 19 di december ta bay ta un “momento significativo” pero no a confirma ningun detaye. El a bisa

cu e plan cu a leak ta realmente un coleccion di “pida di informacion” y cu no mes- ter a pone esnan afecta den un posicion pa ta confronta cu pida di informacion den medionan di comunicacion.

Johan Roozer tabata na e reunion como presidente di comite nacional pa memoria di sclavitud di Surnam. Despues, el a bisa cu el a pun- tra Rutte pakico tabatin pura pa duna e disculpa dia 19 di december, alegando cu Rutte a punta riba e atmosfera politico cambiando na Hulanda, y cu pospone e decision lo por nifica cu sosten pa e dis- culpa por disminui.

Cu eleccionnan provincial planea pa dia 15 di maart,



y partidonan opuesto na e disculpa creciendo den en- cuestanan, Rutte ta teme cu e bentana por cera rapidam- ente, Roozer a bisa.

Mercedes Zandwijken tambe

tabata na e reunion y a bisa cu no tin fecha cla na ki mo- mento Hulanda ta bay ofrece disculpa. El a bisa cu Rutte ta compronde cu e proceso conduciendo na e disculpa mester ta un dialogo cu input

di hende pafó di Gabinete.

Pero kico cu pasa dia 19 di decmeber ta bay keda un “momento”, Rutte a bisa, y ta bay duna inicio na “henter un proceso” conduciendo na dia 1 di juli, unda ta bay tin un conmemoracion adecuado. “Pero hasta e ora ey no a ter- mina”, Rutte a bisa. “Cos no ta caba dia 1 di juli, pasobra ta bay caba ora discriminacion contra e ultimo persona na Hulanda a base di color di su cuero a stop.”

Cuatro ciudadnan grandi di Hulanda – Amsterdam, Rot- terdam, Den Haag y Utrecht – ya a pidi disculpa pa nan rol den sclavitud. De Ned- erlandse Bank y ABN Amro tambe a pidi disculpa.

Peticion pa extende subsidio pa combustible na Corsou

(CuraçaoChronicle) – E subsidio temporal pa combustible na Corsou ta bay caduca na decem- ber. Te cu fin di e aña aki, companianan publico Curoil y Refineria di Cor- sou (RdK) ta bay absorbe 17 cen pa liter. Minister di Desaroyo Economico, Ruisandro Cijntje kier ex- tende e acuerdo aki pa seis luna mas.

Curoil ta di acuerdo cu e peticion di e minister. Re- fineria di Corsou ainda mes- ter duna su aprobacion, pero e proceso ta bay door di min- isterio di Asuntonan Gen- eral. Esaki ta e motibo pakico minister Cijntje a entrega un solicitud na prome minister, Gilmar ‘Pik’ Pisas. E minis- ter di Desaroyo Economico ta spera un contesta di prome minister dentro di dos siman.



Van Huffelen contento cu veredicto di corte riba matrimonio di mesun sexo

(CuraçaoChronicle) – Secretario di Estado pa Relacionnan di Reino, Alexandra van Huffelen a responde na e veredicto di e Corte Conhunto di Husticia riba matrimonio di mesun sexo na Corsou y Aruba. Ministerio di Relacionnan di Reino a anuncia esaki riba rednan social.

“Mi ta contento cu e vere- dicto cu hende di mesun sexo awo por casa na Aruba y Cor- sou. Ta bon cu awo tin clari- dad pa esnan cu kier contrae matrimonio, cu den nos Re- ino no ta importa unda bo ta biba ni ken bo ta stima”, e

Secretario di Estado a bisa.

E veredicto di e corte ta sigui dos caso cu a keda entama na Aruba y Corsou, incluy- endo door di organisacion di derechonan humano, Hu- man Rights Cariibeian den nomber di dos muhe cu kier casa.

Matrimonio no ta habri in- mediatamente. E partidonan por apela na Corte Supremo na Den Haag te cu dia 6 di maart 2023. Abogado Mirto Murray a bisa cu e ta spera cu e prome matrimonio di mesun sexo ta bay tuma lugar dia 7 di maart 2023.





Atenshon! Atenshon!! Atenshon!!!.....

Entrante 12 di december

**Nos showroom di Cas di Max na Meiveld ta muda
pa Schotlandstraat 46, pannoord di Ling & Sons
y schuin dilanti Banjo Lux.**



Cas di Max
Mueble y mas

**Nos localidad na Meiveld y warehouse na Dakota
ta keda solamente como
nos warehouse y pa Cash & Carry pickup!**

Cas di Max... Nos ta Crioyo

Orario: dialuna pa diabierna 9 - 6pm • diasabra 9 - 5pm - Schotland str. 46 tel. 280-6080
- Warehouse Meiveld 3A-1 tel. 582-1671 -




Check y like nos
riba facebook



WZP 699-5511

Comisario di EU ta conseha Hulanda stop kehonan di migracion y caba cu blokeo di Bulgaria

(NLTimes) – E tensionnan rond dimigracion ta e resultado di cooperacion Europeo cu no ta adecua segun loke Margaritis Schinas e Comisario Europeo di Asilo y Migracion a bisa den un entrevista cu AD.

E vice presidente di e Comision Europeo, Frans Timmermans, tambe a pidi pa mas comprendemento den e recepcion di solicitantenan di asilo. “Na Hulanda, hende ta bisa ‘e ta yen’,” e Comisario Europeo di Grecia a comenta. “Na Italia, nan no kier acepta tur hende cu ta rescata for di lama, pa motibo cu no tin fin na esaki. E problema na Grecia ta cu tur hende ta keda riba e Islanan y ningun hende ta bin duna un man.” El a bisa cu e problemanan aki ta resultado di un falta den cooperacion Europeo. E pacto di migracion Europeo cu actualmente ta den proceso mester tin 3 componente, segun Schinas. Paisnan di unda e migrantenan ta bini mester ta convenci di tuma



back e solicitantenan di asilo rechasa. Di dos, mester tin inversionnan den procedura di control di frontera y proceduranan di asilo. E condicion final ta un distribucion husto di solicitantenan di asilo den tur 27 estado miembro di e Union Europeo.

Segun Schinas, un limite na e cantidad di migrantenan

cu Hulanda por acepta anualmente lo ta innecesario cu e pacto di migracion nobo. “Mi tin confiansa cu e cantidadnan lo bira manehabel na momento cu nos a crea e ‘cas’ aki di 3 piso. Awo e personanan cu ta trafica hende ta pushando mas y mas persona den Europa, pa motibo cu nan sa cu Europa no tin un sistema. Nan ta explotando

nos debilidad.”

Un di e medidanan, cu segun Schinas, lo fortalece e frontieranan externo ta e expansion di e zona liber di frontera conoci como Schengen cu Romania y Bulgaria. Hulanda ta opone na e accesion di Bulgaria. Schinas ta di e pensamiento cu posicion aki no ta hustifica.

“Mi no kier duna un lectura na ningun pais, sinembargo no tin un motibo obhetivo pa opone e accesion aki. Romania y Bulgaria a haci tur loke nos a pidi nan pa haci y mas cu esey. E paisnan ta miho prepara cu algun di e paisnan actualmente den e area di Schengen.”

Argentina ta presenta protesta na Reino Uni pa anuncio di ehercicionan militar na Islanan Malvina

(Reuters) – Gobierno Argentino a presenta un protesta na embahada Britanico na Buenos Aires pa e intencion di Reino Uni di manda shete miembro di Forsa di Seguridad di Kosovo na Islanan Malvina, na unda Argentina ta mantene un reclamo di soberania despues di e guerra di 1982, segun Canciyeria a informa ayera den un comunicado.



Canciyeria di Argentina di aranson ultimo a convoca embahador Britanico na Buenos Aires, Kirsty Hayes, “cu e fin di transmiti e rechazo contundente di Gobierno Argentino na e intencion di

Reino Uni di produci actoran militar nobo na e Islanan Malvina (yama Farklands pa e Britaniconan).

Segun e comunicado, medianan a publica varios anuncio

pa loke ta trata “loke asamblea di Kosovo a dicidi di manda na Islanan Malvina hasta shete miembro di Forsanan di Siguridad di Kosovo (KBS) den un operacion di apoyo pa paz, di conformidad

cu acuerdo suscrito pa Reino Uni pa incorpora personal di KBS den ehercito di infanteria Britanico na Malvina”.

Canciyeria a considera cu introduccion di personal di KBS den e islanan ta contradeci e resolucion 31/49 di Asamblea General di Nacionnan Uni, den cual ta pidi na ambos pais pa abstene nan mes di tuma decisionnan unilateral cu lo implica modificacion den e situacion mientras ta existi un negociacion.”

“Presencia militar extra regional den e islanan ta contradeci cu e boluntad permanente di Republica Argentina di resolve e controversia via

medionan pacifico, conforme cu derecho internacional y resolucionnan pertinente di Nacionnan Uni”, e comunicado a indica, den cual a enfatisa di e disposicion di Gobierno Argentino di reanuda e negociacionnan tocante soberania.

Argentina ta reclama e islanan di Atlantico Sur, cu ta bao control Britanico y su dominio a causa e guerra durante dos luna na 1982, ora e pais sur Americano tabata den man di un dictadura militar (1976-1983). Den e conflicto arma 255 Ingles y 650 Argentino a muri.

Guatemala: A condena na 16 aña di prison ex-mandatario Otto Perez y su vice-presidente

(France24) – Despues cu a hay’e culpabel di asociacion ilicito y fraude duanero, un tribunal di Guatemala a condena cu 16 aña di prison e ex-mandatario Otto Perez Molina y Roxana Baldetti, ken tabata fungi como vice-presidente.

A acusa ambos den un caso di corrupcion duanero conoci como “La Linea”, loke a duna paso na e caida di Gobierno di Perez Molina na 2015, lunanan prome di culmina cu su administracion.

Shete aña despues di e caso polemico aki y despues di 11

luna di huicio, Guatemala di aranson ultimo 7 di december a conoce e condena di e ex-hefe di estado, Otto Perez Molina y su vice-presidente Roxana Baldetti.

Un tribunal a dicta 16 aña di prison pa cada un, despues cu a haya nan culpabel di delitonan di asociacion ilicito y fraude duanero.

Fiscalia a pidi 30 aña di prison, pero e castigo a keda reduci debi cu a absolve nan di asociacion di enriquecimiento ilicito.

Ademas di e condena, Perez Molina a ricibi un multa di 1.10 milyon dollar y pa Bal-



detti, autoridadnan a oblig’e pa paga 1.06 milyon dollar.

Segun e sentencia di e hues



Jeannette Valdes, e investigadonan a conclui cu ambos a dirigi un skema di corrupcion cu a defrauda Estado pa cerca

di 3.5 milyon dollar, na momento cu nan a permiti pa algun compania importado no paga impuesto a cambio di soborno.

Cerca di 30 persona, incluyendo dos funcionario di aduana y empresario tabata implica den e caso. Algun di e acusadonan a wordo absolvi. “E investigacion tin algun foutnan cu ta bay determina e absolucion di algun implicado”, e magistrado a señala na comienso di su exposicion.

E ex-mandatario di 72 aña tambe ta acusa den otro proceso penal.

Peru: Pedro Castillo deteni den e mesun prison cu Alberto Fujimori

(El Debate) – E aventura golpista di Pedro Castillo tabatin un caminda cortico. A detene e ex-presidente diaranson ultimo ora e tabata bayendo na embahada di Mexico den busca di refugio.

For di eynan a hib’e te Prefectura di Lima den un auto oficial protegi pa un dispositivo di seguridad fuerte, periodistanan por a wak Castillo cu e boeinan na su man, nan a tuma su declaracion y par di ora despues nan a hib’e na Diroes (Direccion di Operacionnan Special) den un helicóptero.



Esaki ta e mesun luga unda Alberto Fujimori ta cumpli su condena y na unda Ollanta Humala, un otro ex-presidente, tabata deteni entre 2007 y 2018; e detencion a wordo haci pa e coronelnan

Harvey Colchado y Walter Lozano.

Deteni pa rebelion y conspiracion, ta bay aplica articulo 346 diCodigo Penal na Castillo, un articulo cu ta regarda cu “esun cu lanta cu arma pa

cambia e forma di gobierno, kita e gobierno legalmente constitui, suprimi of modifica e regimen constitucional, lo wordo aplica privativa di libertad di no menos cu 10 aña y no mayor cu 20 aña di prison.”

Preocupacion na OEA pa democracia di Peru
Miles di kilometer leu di Peru, diaranson ultimo Organizacion di Estadonan Americano a biba oranan di preocupacion den cual a improvisa un sesion tocante e crisis y asina expresa “preocupacion”, na momento cu a censura e “alteracion di orden

constitucional” y pa mantene e man di dialogo extendi.

“Loke a pasa na Peru awe, ora Pedro Castillo a disolve e Congreso di Republica, sin base constitucional, legal ni normativa, ta constitui un alteracion di orden constitucional”, secretario general di OEA, Luis Almagro a bisa na Washington. “Awe Peru a demostra un respet pa Constitucion, Peru tin mester di dialogo, e tin mester di vision di Estado”, Almagro a agrega prome cu e awor presidente di Peru, Dina Boluarte a tuma posesion.

Haiti: ONU ta spera cu regimen di sancion ta bay ta activo na Januari

(Reuters) – E regimen di sancion di Nacionnan Uni den respuesta na e violencia di gang y crisis humanitario mester ta activo pa januari 2023, segun coordinador residente di ONU pa e nacion Caribense a bisa ayera.

Papiando na un conferencia di prensa, Ulrika Richardson a bisa cu Consejo di Seguridad di ONU ainda ta discutiendo posible intervencion internacional na Haiti, dos luna despues cu hefe di ONU, Antonio Guterres a propone varios pais manda un “forsa di atake di accion rapido.”

“Mi ta kere tin un sentido di urgencia, y hopi di e actor nan ta comparti e sentido di urgencia. Pero ta complica”, Richardson a bisa contestando con largo un respuesta asina lo dura. Richardson a bisa cu hende ta confrontando violencia a base diario den e capital Port-au-Prince, bisando cu esaki “no por continua.”

Mayoria di pais ta keda skeptico di un intervencion militar na Haiti, notando fayonan di misionnan di paz anterior. Algun figura Haitiano prominente ya a keda sanciona pa paisnan individual.



Gangnan Haitiano a expande nan teritorio desde e asesinato di presidente Jovenel Moise na 2021. E violencia resultando di e asesinato a laga hopi di e pais fuera di limite pa gobierno y a conduci na bataya cu

arma di candela contra polis.

Richardson a bisa cu alrededor di 155mil persona a keda desplasa internamente, un aumento di 77 por ciento desde augustus, y cu ONU

ta particularmente preocupa pa gangnan usando violencia sexual pa tene poblacionnan bao control. Un rapport recien di ONU a revela e violacion masal di 52 muhe na Haiti na juli. Richardson a bisa cu pa hopi di nan, esaki a sucede dilanti di nan yiunan, y varios victima no a busca ayudo medico pa motibo di miedo pa represalia of ber-guensa.

Alrededor di mita di e poblacion tin necesidad urgente pa asistencia di cuminda, el a agrega, y casonan di colera, cu a reaparece e aña aki, ta plamando pafu di e capital.

Venezuela: Control di prijs ta un ‘intervencion artificial’ di chavismo, segun Cedice

(LaPatilla) – ONG Centro di Difusion di Conocimiento Ecomico (Cedice) a afirma ayera cu e politica di control di prijs cual regimen di Nicolas Maduro a retoma riba mas di 40 producto di consumo masivo, ta un “intervencion artificial.”

Andrea Rondón, integrante di e comite academico di e ONG, segun un nota di prensa a bisa cu e medida aki ta genera preocupacion entre e actornan economico, pasobra “ta trata di un intervencion artificial den e mercado cu ta bay trece inevitablemente e distorsionnan ya conoci pa e



Venezolanonan cune, manera escasez di e productonan regula.”

El a agrega cu “e resultado

por ta ainda mas ‘Dantesco’ cu den añanan anterior.”

E chavismo a acorda, despues di dos aña pa retoma e politi-

ca di control di prijs riba mas di 40 producto di consumo masivo, segun Jesus Faria, presidente di Comision di Economia y Finanzas di e Asamblea Nacional, a informa diabierna, sin indica cua articulonnan ta bay ta dentro di e control aki, ni ki dia e ta drenta na vigor.

El a sigura cu a discuti y acorda e medida cu productornan mirando un recien “alteracion den e dinamica di prijs”, algo cu a alerta e regimen, ya cu segun el a comenta, nan ta mantene “atento contra di speculacion.”

Siman pasa, Superintenden-

cia pa Defensa di Derechonan Socioeconomico (Sundde) a publica, y algun minuut despues elimina, un lista di prijs maximo pa benta na publico – riba productonan manera aros, hariña, azeta y sucu – algo cu no a sucede desde april di 2020, tempo cu a fiha tarifa riba 27 alimento.

E revolucion bolivariano a cuminsa fiha prijs na 2015, un politica cu a endurece te cu 2018, tempo cu a cuminsa flexibilisa e control, sigui pa un trienio di liberalizacion economico memey di cual a resolve e escasez di alimento y remedi cu a afecta e poblacion durante cinco aña.

Venezuela: Gruponan arma tin presencia den un di cada cuatro scol na frontera

(infobae) – Un di cada cuatro centro educativo ubica den seis di e ocho estadonan na frontera di Venezuela ta conta cu presencia di gruponan arma iregular of bandanan criminal, segun un estudio comparti diaranson pa ONG Fundaredes.

E organisacion a detaya cu 24.8 por ciento di e 412 docente activo cu ta traha den institucionnan di estadonan Falcón, Zulia, Táchira, Apure, Amazonas y Bolívar a nota e presencia di gruponan delincuente di e tipo aki den nan lugar di trabao. Igualmente a detaya cu 11 por ciento di docente a indica cu

e gruponan arma iregular “a hinca nan mes den e desaroyo di nan actividadnan educativo” y cu ta trata di un cifra cu “no por laga pasa, sino al contrario, mester dun’e un respuesta prioritario.”

Ademas, e Consulta Nacional Educativo 2022, manera e estudio ta denomina, a registra “e falta educativo cu ta continua presentando pa motibo di desinteres” di e chavismo na e zona.

Tocante e condicionnan di e instalacionnan, Fundaredes a destaca cu 83.2 por ciento di encuestado a afirma cu e institucionnan den cual nan ta traha “no a ricibi ningun

tipo di mantencion di banda di autoridadnan di estado”, a pesar cu mita di e aña aki, e regimen di Nicolas Maduro a desplega e brigadanan comunitario y militar (bricomiles) pa “restaura scol y centronan di salud na e pais.”

Igualmente, e informe di Fundaredes ta destaca cu e ingresonan abao cu e docentenan di e zona ta ricibi, ta obliga cuatro di cada cinco di nan pa asumi algun actividad distinto na educacion pa por mehora nan condicion y di nan famia.

Tocante studiantenan cu ta bandona scol, a documenta cu “47.7 por ciento ta mani-



festa cu ta trata di entre 25 y 75 por ciento, mientras cu docente cu ta bandona scol ta mas cu 43.7 por ciento.”

Mirando e hallazgonan,

Fundaredes a urgi autoridadnan pa traha pa busca solucionnan “pa e deficiencianan grave cu a ocasiona cu asina hopi alumno y docente mester bandona scol.”



“MEMORANDUM OF UNDERSTANDING”

HOH - IMSAN

TRAHANDO HUNTO PA MEHORA CUIDO





TCL
TAC12CSAI/TPGII
 SPLIT UNIT 12000 BTU
 INVERTER
 SET

NOW
68
 AWG

CASH NOW 843.

TCL
TAC18CSAI/TPGII
 SPLIT UNIT 18000 BTU
 INVERTER
 SET

NOW
98
 AWG

CASH NOW 1214.

TCL
TAC24CSAI/TPGII
 SPLIT UNIT 24000 BTU
 INVERTER
 SET

NOW
128
 AWG

CASH NOW 1580.

Cumpra, participa y gana hopi premio great.



CAMPAÑA
 DI FIN DI AÑA 2022



521-1160 AMC EAGLE MEGASTORE
 521-1150 AMC DAKOTA
 521-1170 AMC SAN NICOLAAS

HORARIO: 9AM - 6PM
 DIALUNA PA DIASABRA



Pa Credit bin cu ID Valido, 2 ultimo payslip, recibo di Elmar, Setar y Web. Credit Prijs ta basa riba credito di 24 luna despues di 10% down payment.

Auto a drenta Mangel Halto Bar

Diahuebs pasa di 11:30 di mainta na Mangel Halto Bar, un pickup a reverse y bay dal den un Mitsubishi Outlander cu tabata bay drenta den e parkeerplaats.

Esaki a pone cu e chauffeur di edad perde control, dal den e muraya y basha esaki abou.
E auto a medio drenta e luga; tabata un area cu no sa tin hende mes.

E chauffeur a sali ileso for di su auto. Roadservice y trafico a presenta pa tuma dato.



Auto a lora dilanti otro na Wayaca



Diaranson anochi dilanti di Wayaca Falls e caminda paden, e chauffeur di un Honda Fit a bay lora na su man robes dilanti di un Toyota Rav4. Aki e autonan a dal basta duro contra di otro, y e airbagnan di e Rav4 a sali completo.

Debi na e impacto, un persona a keda levemente herida. Polis di trafico tabata presente pa tuma dato, y ambulance tambe tabata na e sitio pa atende cu e persona cu tabata levemente herida.



Di dos detencion pa asesinato na ex- Sandbar



En conexion cu e caso di asesinato cu a tuma lugar dia 4 december 2022 dilanti Ex-Sandbar, Recherche di Noord (DAR-2) a detene un hende homber di inicialnan A.J. H. R., naci

na Aruba di 18 aña.

Bou guia di Fiscal y acompaña pa Huez Comisario awe madruga a haci un entrada hudicial na un cas na Bushiri y aki a detene e di dos

sospechoso den e caso di asesinato akiriba menciona.

Mirando e embergadura di e caso mester a haci uso di Team di Aresto pa a aresta e sospechoso.



Pa Cuerpo Policial por resolve mas caso cooperacion y informacion di pueblo di Aruba ta hopi importante, p'esey nos ta pidi si bo tin cualkier informacion yama nos tiplijn: 11141. Nos

ta garantiza cu bo ta keda anonimo.

Riba potret por mira imagennan di dia 4 di december despues di e suceso.

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Departamento di Asunto Social

Dia Internacional di Persona cu Limitacion 2022

Diasabra 3 di december tabata e dia special rond mundo pa pone atencion na e Persona cu Limitacion. E aña aki atrobe Departamento di Asunto Social a para keto riba e dia pa reflexiona riba e bida di e persona cu ta biba cu un limitacion na Aruba. E tema di Nacionnan Uni pa 2022 ta "Solucionnan transformativo pa desaroyo inclusivo: E rol di innovacion pa fomenta un mundo accesibel y husto (Transformative solutions for inclusive development: The role of innovation in fueling an accessible and equitable world)".

E tema aki ta enfoca ariba un desaroyo inclusivo. Un desaroyo cu ta inclui e participacion di Personanan cu Limitacion. E tema ta implica cu e

Persona cu Limitacion por tin e potencial di desaroya su capacidadnan caminda te hasta e por brinda solucionnan transformativo pa cu bienestar y calidad di su mes bida y e bida di otro. Cu e tema aki Nacionnan Uni ta pidi pa mundo para keto y reflexiona riba e rol di innovacion. Con nos hende por haci uzo di formanan innovativo y nobo pa logra e meta principal pa e Persona cu Limitacion, cu ta pa crea un mundo accesibel y husto p'e cu ta mas vulnerabel y dependiente. Pues, pa cumpli cu su derechonan den un forma igual.

Departamento di Asunto Social a tuma nota di diferente actividad y desaroyo cu a tuma luga den nos comunidad pa mehora e calidad di bida di nos hendenan cu limitacion. Un palabra di aprecio y sosten ta bay pa tur

grupo di interes y pa e Plataforma di Organisacionnan pa Persona cu Limitacion (PPL) cu tin e porvenir y bienestar di Personanan cu Limitacion na pecho. Nada ta bal mas cu Boso amor pa e ser humano.

Un aprecio enorme ta bay pa e mayornan, rumannan, otro famia, bisiña y otro personanan significante cu ta duna e cuido y atencion. Sa cu boso amor y sosten ta crucial pa e sobrevivencia di boso ser keri y esaki no por wordo reemplasa.

E dia Internacional aki ta pone nos reconfirma nos compromiso pa sigui colabora na hisa e calidad di bida di e Persona cu Limitacion cu ta miembro di nos famia Arubiano y como tal ta forma parti di nos comunidad. Pabien y cu tur por a pasa un feliz Dia Internacional pa Persona cu Limitacion!



Skirbi pa Robert Arends

E dolor di Aruba ta e debe no e esclavitud

Ora lesa y tende di e beheit cu cierto politiconan di Aruba ta haci den prensa tocante esclavitud Hulandes den pasado, cualkier ciudadano ta reconoce e cultura politico di Aruba di hunga rol di victima y bira pidido di limosna pa djis saca placa di Hulanda.

Kico en realidad ta e berdad? Aruba, como pueblo, a conoce esclavitud manera Surinam y Corsou? Definitivamente cu 'NO'!

Por tin persona individual na Aruba si cu pa un o otro motibo kier hiba e pensamiento cu su antepasado si a biba den esclavitud, pero esey por ta algo individual di e persona ey pero no ta algo general di e pueblo di Aruba. Mester respeta si e pensamiento di e persona nan individual ey, pero no por djis generalisa cu e pueblo di Aruba antes tabata victima di esclavitud Hulandes manera e pueblonan di Surinam y Corsou. Aruba mester ta solidario si cu tur pueblo den Reino Hulandes

cu a biba esclavitud na man di e Hulandesnan.

Pa Aruba e dolor real di awe ta: biba como un parti di Reino Hulandes den un posicion subalterno ('onderdanig' / manera esclavo) na man di politiconan Hulandes djis pasobra politiconan di Aruba nunca a bringa suficiente pa Aruba para riba su propio pia. Politiconan di Aruba ta prefera di keda depende y sigui saca placa di Hulanda (= pidi limosna) creando mas debe y politiconan di Hulanda ta prefera sigui mantene teritorio pafor di Hulanda (= Europa) bao di nan dominio. Asina e politiconan di Aruba - cu bendicion di e politiconan Hulandes - tin Aruba hinka den un situacion parecido na e esclavitud di antes den Reino Hulandes.

Awor probechando di e deseo di Hulanda di kier pidi pordon na e pueblonan cu a biba e esclavitud den pasado den Reino Hulandes, cierto politiconan di Aruba a 'join' e tendencia pa existi recompen-

sa (= placa) di Hulanda pa acepta e pordon di Hulanda pa motibo di esclavitud (cu pueblo di Aruba no a conoce).

Na luga cu Hulanda ta pidi pordon, ta mas apropia pa politiconan di Aruba pidi Hulanda pordon pa e mal maneho financiero cu nan a hiba di moda cu nan tin Aruba horca cu un debe cu pueblo di Aruba no por paga.

Considerando cu politiconan di Hulanda a permiti e debe di Aruba crece di e forma ey sin cu a tuma accion (= medida) na tempo pa para e mal maneho di e politiconan di Aruba, ta haci cu Hulanda ta co-responsabel di e debe cu Aruba tin cu Hulanda.

Un pordon di e politiconan di Aruba na Hulanda pa e mal maneho financiero di Aruba combina cu un aceptacion di politiconan di Hulanda cu Hulanda ta co-responsabel pa e debe di Aruba, ta e forma adecuado (dobel aceptacion di culpabilidad) pa por yega



na un acuerdo cu Hulanda pa Hulanda carga cu (= paga o exonera) parti di e debe cu Aruba tin cu Hulanda.

Ban stop cu e cultura di pidi placa y pone man na obra pa para riba propio pia.

Microsoft ta enfrenta bataya legal apesar di promesanan pa calma preocupacion

(AP) – Microsoft ta e punto di enfoka recientemente pa un serie di noticianan tocante e compania y su movidanan di negoshi.

Riba diaranson, Microsoft a yega un acuerdo pa haci e videogame popular Call of Duty disponibel riba Nintendo pa 10 aña si e compra di e creador di wega Activision Blizzard tuma luga, cual ta un intento aparente di combati obheccionnan di rival Sony.

E adkision aki ta enfrentando critica di reguladornan na Merca, Europa y otro camindanan tambe. Microsoft, creador di e consola di wega Xboxm ta enfrentando resistencia for di Sony, cual ta traha e consola rival PlayStation y a trece dilanti preocupacionnan den e vigilantenan tocante perde acceso na loke nan ta yama un wega “esencial.”

Phil spencer, cabesante di Xbox a publica riba Twitter cu Microsoft a “drenta un acuerdo di 10 aña” pa trece Call of Duty na Nintendo. Microsoft su president Brad Smith a publica su gratitud na Nintendo, cual ta crea e consola Nintendo Switch, bisando cu e mesun oferta ta disponibel pa Sony, “Cualquier dia cu Sony kier sinta y dialoga, nos lo ta contento pa yega na un trato di 10 aña tambe,” el a bisa.

Smith a bisa cu e acuerdo lo trece Call of Duty na mas plataforma pa mas hungadornan, y “esaki ta bon pa competencia y pa clientenan.”

Sony su oficina di prensa Europeo no a responde pa comentario. Agregando na e presion di Sony, Microsoft tambe a bisa diaranson cu nan ta comprometi pa mantene Call of Duty riba e plataforma Steam, un mercado digital pa weganan di computer, yegando na un acuerdo cu e operador di Steam yama Valve.

Na curason di e disputa ta e control di futuro lansamentonan di Activision Blizzard su weganan mas popular, specialmente Call of Duty, un wega cu un tema militar cu ta sumamente popular. Activision a reporta luna pasa cu e instalacion mas moderno di e franquisia a genera un



ganashi di 1 biyon den benta riba e dia di lansamento dia 28 di october.

Sinembargo, riba diahuebs Federal Trade Commission a demanda pa blokea e adkision di 69 biyon dollar cu Microsoft tin plania, bisando cu esaki por causa daño na e competidornan di e consola Xbox y e negoshi di subscripcion cu ta aumentando.

FTC su desafio por ta un test pa e mandato di President Joe Biden cu ta critica adkisionnan grandi. E commission a vota 3-1 pa entrega e keho despues di un reunion priva, cu 3 comisario demo-

cratico votando na fabor y e unico republicano votando den contra.

E keho ta señala na adkisionnan anterior di Microsoft, specialmente esun di e compania conoci Bethesda Softworks y su compania ZeniMax, como un ehempel unda cu Microsoft ta haciendo algun di e weganan binidero exclusivo pa Xbox apesar di a sigura e reguladornan Europeo cu nan no tabatin intencion di haci esaki.

“Microsoft ya caba a demostra cu nan por y nan lo retene contenido for di nan rivalnan,” segun un declara-

cion prepara di Holly Vedova, director di FTC su Bureau of Competition. “Awe, nos ta busca pa stop Microsoft di haya control riba un studio cu ta lider y independiente y usa esaki pa causa daño na competencia den varios mercado dinamico y cu ta creciendo rapidamente.”

FTC a bisa cu nan lo entrega un keho via e proceso administrativo na luga di hiba e caso corte federal. Esaki ta nifica cu un hues di ley administrativo lo lidia cu e caso.

Microsoft su president a señala den su declaracion diahuebs cu e compania ta hopi

probabel di desafiar FTC su decision. “Mientras cu nos ta kere den duna paz un chens, nos tin confiansa completo den nos caso y nos ta duna bon bini na cualkier oportunidad pa presenta nos caso den corte,” Smith a splica.

E compania a cuminsa mehora nan defensa publico di e trato den dianan reciente mirando cu nan ta wardando pa un decision. Smith a bisa cu Microsoft ta comprometi den trata e preocupacionnan di competencia y a haci varios proposicion na FTC anteriormente e luna aki. “Nos ta sigui kere cu e trato aki lo expande competencia y crea mas oportunidad pa personanan cu ta hunga wega y esunnan cu ta desaroya e wegananan,” Smith a splica.

Microsoft a anuncia e trato aki den january pero a enfrenta lunanan di resistencia for di Sony, cual ta haci e consola di competencia PlayStation, y a trece dilanti preocupacion cu vigilantenan rond di mundo pa cu perde acceso na e franquisia popular di Activision Blizzard.

Reguladornan bao Biden a “papia caba cu pa decadanan largo e politica di adkision ta hopi debil y nan a bisa varios biaha cu nan ‘ta cambiando esaki,’” segun William Kovacic, president anterior di FTC.

Esaki a pone presion riba FTC pa cumpli cu su promesanan pa “no permiti tratonan dudosos y no acepta acuerdonan debil,” segun Kovacic, ken tabata comisario Republicano den 2006. El a bisa cu apesar di tur cos, Microsoft tin un bon chens di gana e desafio legal aki.

“E ta evidente cu e compania tin tempo ta haci varios cambio,” el a splica. “Microsoft ta hopi probabel di trece esaki dilanti den corte y bisa cu FTC ta siendo hopi terco tocante e tema.”

Microsoft a anuncia su ultimo promesa diaranson, bisando cu nan lo haci Call of Duty disponibel riba dispositivos di Nintendo pa 10 aña si e adkision aki tuma luga y manera a bisa na comienso, nan a extende e oferta aki na Sony tambe.



Exitoso Student-Recruiting Seminar na Universidad di Aruba

Presenta pa Aruba North Little League den colaboracion cu Sr. Andrew Bartman

Ariba diasabra dia 3 di december na Universidad di Aruba a tuma lugar e sesion titula: “College Baseball Recruiting – The Facts” pa 10:30 di mainta dedica especificamente na estudiante-atletanan cu tin e meta pa sigui nan estudio y hunga baseball na Merca y nan mayornan.

Sr. Andrew Bartman tawata e orador principal informando y educando e mayornan ariba diferente punto cu un famia mester tene na cuenta si kier yega e nivel aki. El a enfoca ariba tres aspecto specifico cual ta: Talento, Cifranan y Caracter. El a enfatisa cu tur tres di e elementonan aki ta mesun importante, talento ta forma solamente un tercera parti. E cifranan di school lo determina e cantidad di ayudo financiero cu un atleta por ricibi pa su estudio rebahando e gastonan y bo caracter, ta locual lo laga bo sobresali riba un otro cu tin mesun nivel di talento y cifra.

Ariba e punto di talento, Sr. Bartman a comparti cu como un ex-college coach e kier wak estadistica di e hungador, inclusive velocidad (tiramiento), coremento, enfocando ariba e cinco (5) tools nan tradicional, pero tambe explora e tipo di data nobo. Coachnan kier wak diferente tipo di video entre otro highlights, workouts, showcases y di wega. Ademá mester tene cuenta cu e temporada cu un atleta por acerca un coach y vice versa. E ta recomenda pa usa Google pa busca informacion di calendario pa cada nivel (NCAA, NAIA, NJCAA). Sr. Bartman ta splica cu un coach lo ricibi miles di e-mail pa siman, y ta p’esey mester sigui ta persistente den manda e-mail y tuma contact. Traha bo lista y follow-up cada dos siman mas o menos te dia bo ricibi un contesta sea positivo of negativo.

Siguientemente el a enfoca ariba e cifranan cu un estudiante ta ricibi na school, el identifica varios “red flags” cu nan como coach lo por cay ariba dje. Entre otro si un estudiante su GPA (Grade Point Average) ta abou, pero su testnan ACT/SAT ta halto ta indica cu e estudiante tin e capacidad y inteligencia pa studia, pero e no ta haci su esfuerzo maximo. E ta enfati-



sa cu un estudiante-atleta cu e trece riba su team mester ta un hende cu e por confia riba dje pa haci su best, riba veld y den klas continuamente. Teniendo na cuenta cu nan ta ricibi fondo pa solamente 11.7 hungador di baseball na un college y ta inverti den e mihornan e ora.

E di tres punto cu Sr. Bartman a elabora riba dje ta e caracter di un hungador, bisando cu pa coach un hungador su caracter ta dificil, sea bon of malo. Tambe e ta bisa pa semper ta honesto den informa coachnan di bo cifranan, velocidad, etc. Pasobra unabes nan determina cu locual cu e hungador, mayor of coach no ta berdad nan lo corta comunicacion. Hungadornan mester compronde con importante caracter ta den e proceso, riba veld y pafor di veld. Ariba e topico aki el dirigi su mes tambe na e mayornan tambe cu por causa cu un atleta no ta ricibi un lugar riba un team. Nan ta wak tur cos. El agrega cu despues di wega e unico cos cu un mayor mester bisa su yiu ta: Mi a gusta wak bo hunga awe.

Un participante a remarca cu na Aruba e proceso ta parce mas complica mirando

cu nos hungadornan no por “showcase” nan mes personalmente dilanti coachnan di college, sin cu mester biaha bay Merca. Sinembargo Sr. Bartman a indica cu e temponan a cambia, y maske cu e componente di showcase / weganan ta uno importante, cu e tecnologia awendia, coachnan ta prefera wak e videonan via un link di YouTube of Twitter pa cuminsa wak e hungador. Su consejo pa ora di manda e-mail ta cu mester inclui: informacion personal y academico (ki año lo gradua, number di telefon, e-mail, adres, GPA, number di mayornan) y informa-

cion Atletico (peso, altura, bateo, tiramento, posicion, estadistica, video y weganan). E prome paso ta pa concipia e e-mail y considera por lo menos 30 school, 10 di cada preferencia (1st, 2nd, 3rd choice). Importante tambe ta e “fit” na un school, haci bo sondeo di unda e college ta situa, e calidad di e programa academico, cuanto estudiante ta atende, cuanto hungador tin den e posicion cu bo ta hunga, etc. Tene mas hopi contacto cu e coach posibel.


Sr. Bartman a elabora tambe ariba e diferente nivel nan di universidad y college por

chempel NCAA (D1, D2, D3), NAIA (D1, D2, D3), NJCAA (D1, D2, D3). Ilustrando cu tin un “fit” pa cada hungador dependiendo ariba su nivel academico y atletico. Ademá el menciona cu mas cu 80% di e MLB draft den 2022 a sali for di College. E oportunidad nan t’ey y lo sigui presenta pa hungadornan cu haci nan esfuerzo pa studia, tene nan cifranan halto, sigui desaroya nan talento y caracter.

Si kier wak e grabacion completo di e sesion pa ricibi tur informacion por click ariba e link aki: bit.ly/3P2fvG0

The Big 3

- Talent is only part of the equation
- Grades will factor where you go & \$\$ you get
- Character will put you in front of others with similar talent & grades



Bista Politico ta un seccion di Bon Dia Aruba specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di Bon Dia Aruba y ta pa responsabilidad exclusivo di e organisacion/individuo cu ta ofrece esaki pa publicacion. Bon Dia Aruba ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di Bon Dia Aruba.

BISTA POLITICO

Drs. Mervin Wyatt-Ras (AVP):

Si sigui asina nos no por bira malo mas y tin cu bay core riba burico



Drs. Mervin Wyatt-Ras a trece padilanti cu pashentnan no por mas cu pago di remedinan ya cu nan cartera ta bashi. Segun Mervin Wyatt-Ras cuida medico ta hopi importante pa un comunidad y sigur pa pais Aruba. Durante conferencia di prensa dilanti dr. Horacio Oduber Hospital, e parlamentario a trece padilanti cu e renobacion y ampliacion di nos hospital, cual ta un hoya di proyecto, a inicia bou di Gabinete Eman.

Sinembargo gobierno na mando desde 2017 no kier a continua cu e proyecto aki. Dor di presion di CAft e minister actual, Dangui Oduber, ta hay'e obliga di finalis'e. Si cana den hospital por mira con bunita e parti cu a ser renoba ta y cu aparatonan moderno. E sosten, ayudo y cuida den hospital tambe ta ser duna dor di profesionalnan medico cu dedicacion y ta di bon calidad. Wyatt-Ras recientemente tabatin un experiencia positivo cu familiar cu tabata interna. P'esey no ta cuadra cu aunke cu gobierno ta anuncia cu tin un surplus den presupuesto toch di otro banda ta keda corta den cuida medico y otro terenonan, den cual netamente ta necesario

mas inversion.

Nos ciudadanonan ya no por mas. Tin famia cu no tin ni pan pa pone ariba mesa di nan yiunan. Tin famia cu no por paga nan debenan y no por paga nan cas. Prijs di awa, coriente y gas a subi drasticamente. Esnan cu kier traha un cuminda di Pasco no por asina manera nan kier dor di aumento di comestibel y di gas. Pan y hasta prijs di webo a subi. Schoolgeld tambe a ser hisa. Prijs di gasolin a subi y aki un par di dia nos lo tin cu bay core ariba burico. Esaki ta e realidad di nos hendenan.

Medicina ta hopi importante pa un persona cu tin malesa cronico, un acute stoornis of malestar. Na e momento ey ta hopi importante pa e persona por ricibi su medicina pa e por bira bon of recupera. Y esey tambe ta locual ta nos preocupacion. Tin persona cu no ta tuma e remedi cu ser receta paso nan no tin placa pa paga. Wyatt-Ras a haci pregunta na gobierno encuanto e cantidad di persona cu si ta ser vergoed. Paso gobierno ta bisa bunita cu e remedinan di esnan cu tin malesa cronico ta ser vergoed, sinembargo no ta conoci e cantidad di e pashentnan ey. Tampoco ta conoci cuanto persona cu no tin malesa cronico tin cu paga pa nan medicamentonan. A puntra e cantidad aki.

Tin pashentnan a trece nan recibonan pa e parlamentario y su coleganan mira. E ta menciona un pashent cu a paga pa despues di un bishita na dokter mas o menos 50 florin pa par di remedi. Un persona cu no ta traha y no

tin entrada suficiente no por paga esaki. Wyatt-Ras ta enfatisa cu e preocupacion di fraccion di AVP ta alabes e preocupacion di pueblo.

Banda di esaki Wyatt-Ras a trece su preocupacion padilanti pa loke ta trata e area di fisiotherapie. Fisiotherapie ta hopi importante pa un persona na momento cu e haya accidente of e tin un letsel of a haya un stroke. E persona cu no por move of mester rehabilita tin mester di ayudo profesional pa yud'e. Tambe ora ta trata muchanan cu tin un of otro limitacion cu mester ser stimula y haya yudansa pa cu movicion, ta necesario fisiotherapie. Pa muchanan of esnan cu un deficiencia of limitacion cu no por cana of tin dificultad cu movicion ta importante pa ser stimula desde chikito. Nan mester haya fisiotherapie riba base continuo. Esaki no ta posibel na e momento aki na Aruba, a pesar cu gobierno cada bes den su begroting ta menciona cu e ta cumpli cu SDG's, esaki no ta e caso. E profesionalnan cu ta duna ehercicio y/of fisiotherapie hopi biaha ta ser lubida, segun Wyatt-Ras. Banda di tur e specialismo-nan fisiotherapie lo mester haya debido atencion.

Wyatt-Ras ta menciona cu Parlamento a ricibi un carta di nan caminda nan ta informa nos y nan ta pidi pa haya sosten pa hisa e cantidad di tratamiento. Fraccion di AVP a manda pregunta dirigi na minister pa haya aclaracion y pa wak con pa hisa e cantidad di tratamiento per pashent. Nos ta haci un apelacion na gobierno pa yuda e

specialismo aki. Wyatt-Ras alabes ta trece padilanti cu den nomber di su fraccion el a entrega un mocion cu a ser aproba unanimamente, pero cu te ainda no a ser ehecuta pa por haci posibel cu hobenan cu limitacion por haya fisiotherapie. Si sigui corta den cuida dor di e gobierno aki lo haci cu mas especialista y otro profesionalnan medico lo bandona nos pais, locual lo baha e calidad di nos cuida drastico.

Ta sumamente bergonsoso cu nos partido cu a introduci AZV nan aña 2000 bou Gabinete Eman, tin cu experiencia con e gobierno aki ta caba cu e espirito di AZV. E ley di AZV ta haci posibel cu tur ciudadano tin derecho pa haya cuida medico na pais Aruba anto awor nos ta mira cu esaki no ta posibel. Si e gobierno aki sigui su curso nos lo bay mas atras y lo tin klas-sezorg of cuida di clase, den cual esnan cu por paga so por haya e cuida medico. Esaki ta preocupante y inacceptabel.

Gobierno mester honra cu nos pashentnan tin derecho y si bo kier yena bo boca y bisa cu pashentnan tin derecho mester duna pashentnan enberdad nan derecho tambe.

Segun e parlamentario un djis lo trata den parlamento ley encuanto "Belastingsplan 2023". Den e ley aki lo reglamenta subsidio di BBO cu 1%, Lo hisa e toeristeneffing di 9.5% pa 12.5% y lo bay corta den mercadeo di e pilar principal di nos economia cu ta nos turismo. Di tur entrada 40% lo bay den caha di gobierno y 57% so lo bay pa ATA. Aki lo haci nos turismo mas

caro cu lo tin su impacto negativo ariba nos economia, inversionnan y tambe empleo di nos ciudadanonan lo bay ta na peliger.

Por mira claramente con e gobierno aki ta goberna. Pa nan por keda mantene nan gastonan di goederen en di-ensten halto y keda nombra nan amigonan y famianan den gobierno nan ta purba manda tur placa pa nan caha di gobierno sin importa e consecucionan.

Asina tambe ta keda corta den cuida medico cu ta tocante e ader di nos pais. Nos mester garantisa cu nos hendenan tin salud pero e gobierno aki no tin amor pa nos ciudadanonan y nos salud. Gobierno a bay di acuerdo cu landspakket sin consulta cu pueblo. Evelyn Wever Croes a bende nos autonomia. A bay di acuerdo cu Hulanda den sentido di corta den cuida. Asina e ta bisa pueblo. Sinembargo awor e ta obvio cu ta e gobierno aki mes tambe kier corta den cuida y tur otro tereno. Ya cu ta gaba cu tin un surplus pa 2022, lo mester por yuda cuida medico, special nos ciudadanonan den necesidad cu no por paga nan medicamentonan. Wyatt-Ras ta haci un apelacion na gobierno pa atende cu e area di cuida cu ta esencial pa bida di nos ciudadanonan. Si nos inverti awor den cuida toch tin cu carga consecucionan a lo largo, specialmente despues di COVID-19. Si nos sigui asina nos no por ni come, bebe, baña, ni bira malo y mester bay core riba burico, segun Parlamentario Wyatt-Ras.

Minister Endy Croes (MEP) contribuyendo na un proyecto di salud mental pa nos hobennan

Recientemente, Minister Endy Croes a reuni cu Sr. Friso Veeman y Sra. Derchlien Dijkhoff pa dialoga riba un proyecto nobo tocante salud mental.

Un proyecto sumamente interesante, cu ta planifica pa un siman den luna di maart di aña 2023, unda cu e hobennan di edad di 14 aña bay

ariba ta haya guia di un profesional. Ademas di esaki, e intencion di e proyecto aki ta pa trece "Motivational Speaker", Sr. Levi Silvanie.

Di e forma aki, a traves di su musica yuda e hobennan cu tin problema di salud mental. E obhetivo di e proyecto aki ta pa yuda un cantidad di 800 pa 1000 hoben cu tin

un problema di salud mental durante un sesion di 90 minuut. Mirando e seriedad cu salud mental tin na Aruba y rond mundo, Minister Endy Croes ta contento di por forma parti di e gran proyecto aki y di e forma aki contribui na e bienestar di e hobennan di Aruba.



Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

BISTA POLITICO

Parlamentario Alvin Molina (MEP):

Seguridad na Aruba mester keda garantisa

Pa cuminsa mi kier manda palabranan di profundo condolencia na famia y sernan keri di e victimanan di violencia den e dianan cu a pasa. Ademas, mi ta desea di ofrece mi condolencia na ful Aruba, pasobra no solamente nos a perde yiunan di tera, pero si no tuma accion, poco poco nos lo ta perdiendo un cualidad esencial di nos pais, cual ta uno di ta un pais safe.

Pa garantisa seguridad riba caya, na clubnan nocturno, y otro hot zones tin diferente factornan cu mester tene cuenta cune y traha riba dje. Un punto cu ta importante pa garantisa esaki ta e infraestructura. Pensa riba por ehempel camara di seguridad, metal detectors, cayanan bon ilumina (luz) y mas. Un otro factor cu ta hunga un rol ta nos leynan. Mester percura pa

nos revisa nos leynan, evalua nan y sigur tene na cuenta con esaki ta wordo haci den Reino pa percura cu nos ta na un standard internacional. Un otro factor cu ta sumamente importante pa nos por salvaguardia seguridad pa un tempo largo ta educacion y formacion di nos muchanan na scol, den e barionan, na cas, den famia. Ki guia, norma y balornan, expectativa pa futuro, proteccion, ta wordo duna na e muchanan. Pa por logra garantisa seguridad berdadero y sostenibel pa Aruba e ta rekeri di ful comunidad. Centro di barionan, iglesia, clubnan deportivo, tur tin un funcion hopi importante den formacion di nos hendenan.

Pa cu e casonan specifico di siman pasa mi tin di manda un palabra di pabien na nos Cuerpo Policial cu a haci un bon trabou y a captura e sos-

pechosonan den 1 ora di tempo. Nos ta consciente cu polis tin un tarea grandi pa cu seguridad. Nos sa den Cuerpo Policial na momento aki tin basta demotivacion y e organisacion no ta mucho saludabel. Tin falta di personal cu sigur ta afecta e servicio duna na pueblo. Pe motibo aki mes mi persona a haci e peticion na Minister di Husticia pa nos korpschef nobo bin parlamento pa asina informa nos kico ta e plannan cu e tin pa cu KPA y especificamente con e ta bay sanaa nos Cuerpo Policial, hisa e motivacion di e polisnan pa duna e miho servicio posibel na pueblo y con lo bay frena e fenomeno lamentabel cu nos ta mira ta desaroyando. Mi por bisa cu mi ta haya bon feedback di nos korpschef nobo cu sigur ta dunando speranza cu e LO bay nifica algo positivo pa nos 'kinan na Aruba. Bedrijfsvoering, cuida di personal y colaboracion mester



ta central den su maneho. Inverti den polis di bario tambe lo contribui na barionan mas safe. Mi lo percura pa e reunion aki tuma lugar y asina parlamento y pueblo por ta nan altura di e ultimo desaroyonan pa cu KPA.

Parlamentario Ricky Hoek: negociando pa paga e 900 miyon di pandemia

Tweede y Eerste Kamer di Hulanda tin confiansa den Gabinete Wever-Croes II

Actualmente nos Prome Minister Sra. Evelyn Wever-Croes, Minister di Finanzas y Cultura Sra. Xiomara Maduro y profesionalnan di finanzas di Aruba ta na Hulanda pa negociacionnan importante pa loke ta trata e pago di e 900 miyon cu Hulanda a fia Aruba pa sobrevivir durante e pandemia.



Durante di un reunion cu e Comision fiho di Relacionnan di Reino, Minister di Finanzas a duna un presentacion extenso tocante e situacion financiero di Aruba. Aki e comision a ricibi un bista amplio con e finanzas di Aruba ta actualmente y tambe kico lo por spera pa e aña binidero.

Por ehempel:

Presupuesto 2023 a keda entrega na ora conforme ley na Parlamento di Aruba; A baha e debe/deficit grandi di Aruba di 1028 miyon pa 25 miyon florin; Aruba lo yega na e 1% surplus den su presupuesto pa 2023. Esey ta nifica, cu Aruba lo tin un ganashi di 63 miyon florin den su caha.

Esaki ta haci cu Hulanda tin confiansa den e maneho financiero di Gabinete Wever-Croes II, pasobra a keda demostra cu ta atende cu finanzas publico na un forma serio y responsabel.

Pakico gobierno di Aruba mester a haci e prestamo di 900 miyon?

Nos tur por corda e dia cu e pandemia a yega Aruba y cu un poco dia despues tur cos a paralisa. E pandemia a pone henter mundo riba un 'hold' y asina tabata afecta

tur hende y tur sector (salud y medicina, social, economico y financiero, turistico) den tur pais. Nos tambe a bira malo, nos tambe a wak e covid-19 den carni y weso, y tin famia cu a hasta experencia momentonan hopi tristo ora nan sernan keri a padece pa motibo di e virus di corona. Esey tabata tin como consecuencia cu aeropuertonan a cera, aerolineanan a stop di bula, hotelnan a keda bashi y tur comercio mester a cera porta.

Di e forma aki, gobierno a

tuma e iniciativa y curashi di acerca Hulanda pa un fianza. Un fianza na e suma total di 900 miyon florin. Gobierno por a cubri cu un parti di e fianza, e 300 miyon florin na entrada cu a cay atras ora cu tur sector y comercio a paralisa. Banda di esey, gobierno a duna un loonsubsidie, FASE, ayudo financiero na companianan chikito y mediano y un parti a bay na pakete di alimento. Esaki tur na un balor di 600 miyon florin. Y pa loke ta trata e vacunanan y e personal di cuida intensivo cu Hulanda a manda, ta sin ningun costo.

Den tempo di crisis, ta importante pa un gobierno ofrece e necesidadnan fisiologico (awa, cuminda, cas, paña) y e necesidad di seguridad (trabou, salud y seguridad personal) na su pueblo. Si no a tene cuenta cu necesidad di e pueblo, e situacion lo tabata devastador.

Confiansa y solucion

Gobierno di Aruba a bay cu e meta pa negocia cu gobierno di Hulanda con lo bay paga bek e 900 miyon florin. E palabracionnan entre e go-

biernonan tabata cu na 2023 lo mester paga bek, pero e forma con esey lo mester sosode, lo keda palabra durante e reunionnan di e bishita actual. Segun Sr. Paul Rosenmöller, Parlamentario di Eerste Kamer di Hulanda "cu den reino Aruba ta profila su mes como un partner confiabel riba tereno financiero". Confiansa ta e base primordial ora ta haci negociacionnan y pa defende e derecho y seguridad di un pueblo. Den e caso aki, Aruba por ta convenci cu tanto nos Prome Minister y Minister di Finanzas ta haciendo un bon papel na nivel di reino y cu e resultadonan lo ta beneficioso pa tur partido.

Conseho na pueblo

Aña 2023 ta muestra di ta un aña financieramente un poco mas miho pa nos tur, pero ainda rond di mundo tin tensionnan grandi entre paisnan. Esey ta afecta nan produccion pa resto di mundo. Nos mester keda cauteloso cu nos placa y caminda cu por spaar un 10 placa, laga nos haci esey, pa mañan nos mes por disfruta di dje.

'Vakantierooster' pa aña escolar 23/24 y 24/25 ta aproba y publica



Departamento di Enseñansa Aruba (DEA) ta informa cu e vakantierooster pa e añanan escolar/academico 2023-2024 y 2024-2025 y e ATV-dagen Onderwijspersoneel pa añanan calendario 2023, 2024 y 2025 ta aproba y publica riba website di DEA www.ea.aw.

Minister di Enseñansa di Aruba ta aproba e fechanan di vakantie di scol. No obstante tin diferente partido envolvi den e procedura.

Con ta scoge e fechanan di vakantie?

E vakantierooster pa cada aña escolar ta wordo formula conforme e "Regeling lengte schooljaar en maximum aantal vakantiedagen" (AB 1988 No. GT13) y liñanan di guia cu ta indica cu mester tene cuenta cu entre otro e fechanan di examen y dianan oficial di fiesta. Den esaki ta trata na tene mas tanto cuenta posibel cu e mucha, e maestro y e curriculum.

Ken ta scoge e fechanan di vakantie?

E instancianan envolvi den e proceso ta Departamento di Enseñansa Aruba (DEA), Dienst Inspectie van het Onderwijs, Sindicato di Maestro di Aruba (SIMAR) y e Directivanan di Scol. E Directiva di Scol ta esun encarga pa representa interes di su scol(nan).

E procedura ta como lo siguiente:

Departamento di Enseñansa Aruba (DEA) ta e instancia responsabel pa formula e concept vakantierooster y pa stipula e ATV-dagen pa Onderwijspersoneel (conform regeling, richtlijnen); Dienst Inspectie van het Onderwijs, SIMAR y e Directivanan di Scol ta haya e concept pa duna feedback y input; Finalmente e proposicion ta bay pa Minister di Enseñansa di Aruba pa aprobacion.

Dicon sa tin cambio den e vakantierooster?

E comienzo y e final di un aña escolar, como tambe e fechanan di examen ta fluctua hunto cu dianan internacional di fiesta manera Diaranson di Shinishi, Diabierna Santo y Pasco Grandi.


E fechanan di examen (eerste y tweede tijdvak) ta wordo stipula pa Ministerie van Onderwijs, Cultuur en Wetenschap na Hulanda. Aruba mester mantene su mes na e fechanan aki.















Vakantie y Leerplicht





E ley di enseñansa obligatorio ta na vigor na Aruba. Cu esaki pais Aruba a tuma e obligacion pa garantisa y realisa e derechonan di cada mucha cu ta cay bou di e ley aki. Tur mucha for di 4 aña te cu 16 aña cu ta biba na Aruba ta suheto di e ley di enseñansa obligatorio. Ley di Enseñansa Obligatorio ta mantene su mes na e dianan di vakantie di scol aproba pa Minister di Enseñansa di Aruba. Si un alumno cu ta cay bou di enseñansa obligatorio falta scol sin permiso prome of despues di un vakantie nos ta yama esaki "absentismo di luho". Tin circunstancia na unda e alumno por haya dispensacion. E mayornan/cuidadonan por entrega un peticion por escrito solamente cerca e director di scol.



Mas informacion

Pa mas informacion di e procedura pa yega na un vakantierooster y pa download e vakantieroosters oficial, bishita website di DEA: www.ea.aw. Tambe por haya mas informacion tocante 'Leerplicht' door di busca Enseñansa Obligatorio na letter [E] of Leerplicht na letter [L] den e alfabet menu riba dicho website. Sigui Departamento di Enseñansa Aruba riba Facebook y/of Instagram @EducationAruba pa keda na altura di tur informacion.

Resultado Sorteo december 8, 2022			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
5796	4994	1833	2483
4306	8145	SUPER5	2160
5497	7100	13940	4706

MERDIA	ANOCHI
 Sorteo # 3764 3675 0410 5616  X5  Sorteo # 3764 4403  Sorteo # 1820 9066  Sorteo # 3764 5957 Aquario  Sorteo # 638 725  X3	 Sorteo # 7813 4653 7190 6137  X2  Sorteo # 6857 9833  Sorteo # 1562 0345  Sorteo # 5616 3188 Aries  Sorteo # 546 610  FP

 Sorteo # 0 x Jackpot 0 x Match 4+ 0 x match 4 0 x Afl. 12,00	Joker Letter Proximo Jackpot 190.000,-
 Sorteo # 5970 0 x Jackpot 1 x Match 4 90 x Afl. 8,00	01-02-16-18-26 Proximo Jackpot 52.000,-
 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball: Proximo Jackpot 370.000,-
	Afl. 480.000,-

 Sorteo # 	
---	--



Aurora
Royal Pray
Funeral Home & Crematory
Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Mi no a muri. Ta pesey mi no a bisa ayo.
mi a a djis habri mi halanan y bula bai keiro.
Boso a keda atras. No laga tristesa domina boso,
keda uni un cu otro pa mi alma, esey lo ta un
alegria.
Recorda mi cu hopi amor.

Cu dolor na nos curason, nos ta participa
fayecimento di nos ser stima:



Sr. Alberto Kock

Cariñosamente yama “Beto, papa Beto, Betois of Bieuw”
*09-02-1938 - †07-12-2022

Mayornan:
†Joaquin Kock y †Antolina Boekhoudt
Na number di su:
Esposa: Teresita Bartolomea Kock-Faro
Unico Yiu: Anthony Albertico Kock y esposa
Nathali Kock-Kelly yiuun y famia
Yiu di criansa: Ritsma Loopstok y esposo yiuun y
famia
Nieta(o)nan: Nohaly Lue y famia, Nathiani
Arendsz y Dennison Abrahams, Kiana Kock y
Patrick Franken, Jossymar Kock y famia, Melony
Loopstok y Limike Werleman
Rumannan: †Bubu y †Anna Kock yiuun y famia
†Francisco y †Chichi Kock yiuun y famia
†Luis y Mirna (Bea) Kock yiuun y famia
†Jose y †Carmen Kock y famia
†Kimo y Mary Kock yiuun y famia
Juan Kock y famia
Justina (Ina) Kock y Rolando (Lando) Geerman
Antolina (Chichi) Orman-Kock y † Nacho Orman
yiuun y famia
Ihanan:
Eugene (Jenny) Muyden
Hubert (Ibi) Fingal
Sua y cuñanan:
†Pablo Tromp y Stefanita yiuun y famia
†Maria (Ina) Faro
†Irena y †Freddy Dijkhoff yiuun y famia
Isnardo (Chonai) y Petra Faro yiuun y famia
†Antonia Faro yiuun y famia
Ursula Faro y yiu
Bon bisiaña: Chona y Farina Croes
Sobrina y sobrinonan, prima y primonan y demas
famia na Aruba y Curaçao:
Kock, Faro, Fingal, Orman, Geerman, Heredia,
Krozendijk, Croes, Martijn, Loopstok, Lue,
Abrahams, Franken, Kelly, Boekhoudt, Joakim,
Infanson, Leito, Koeijers, Ruiz, de Cuba, Webb,
Vrolijk, Dirks, Tromp, Mercera, Martinus, Arendsz
Acto di condolencia y despedida lo tuma lugar na
Aurora Funeral Home dialuna 12 di December
2022 di 2’or pa 4’or di atardi. Sigui pa cremacion
den seno familiar.

Na lugar di flor of krans nos lo aprecia bo
contribucion pa fundacion Hospice Atardi, cu te na
final a cuida y stima nos casa y tata.
Lo tin un box disponibel.

Aurora
Royal Pray
Funeral Home & Crematory
Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Pasobra Ami ta Senjor bo Dios. Mi ta kohe bo man
tene y bisa bo “ No tiene miedo”
Isaias 41:13

A Fayece Cristianamente den brasa di Señor :



Erna Vilma Dubero
Mihor conoci como Vilma

Na number di su:
Casa:
Marcial Croes

Yiu:
Arthur Croes y Jenny Contreras
Nietanan:
Sophia y Jade Camila Croes
Rumanan:
Ramiro y Ina Dubero-Werleman
Maria Dubero
Rolando “Ronny” Dubero
Hubert “Cojashi” Dubero
Sobrinonan:
Alexander Bakhuis y yunan Daniela, Alex y Emily
Bakhuis
Juliette Bakhuis y yunan Amir y Ayman Hammoud
Gilbert Bakhuis y yunan Jean- Pierre y Stephany
Bakhuis
Jennifer Bakhuis y yunan Gabriela y Aaliyah
Dacamara
Merelee Arendsz y Riangelo Feliciano
Jairo Dubero y yunan Shawn y Ju-haila Dubero
Darwin Dubero y Terrence Dubero
Dyon y Delaney Dubero Holtorp
Iselle y Gunnar Bracelly y yunan Kiarra y Gerran
Sua y cunan:
Jolanda y None Wernet y famia
Elsa Wester y famia
Edwin Croes
Ronny y Marlene Croes y famia
Robby van der Linde
Tico van der Linde y famia

Madrina: Anna (Anchi) Wouters
Ihanan, su bon bisinjanan.
Su amiganan: Gwendoline, Dita, Maria, Ina, Rosa,
Josephina, Carla, Catharina y famia, Diana, Mena,
manera ruman Martina,

Su prima y primonan, famianan: Croes, Dubero.
Contreras, Arends, Koolman, Thiel, Arends,
Arendsz, Bakhuis, Hammoud, da Camara,
Werleman, Fuentes, Semleer, Vrolijk, Rosel, van
der Linden, Oduber, Hernandez, Dirks, Pena,
Erasmus, Luidens, Brown, Irwin y Loopstok.
Den nos tristesa si por a lubida algun famia nos
disculpa.

Comer y comper nan. Na tur su bon amiganan,

Acto di condolencia ta diahuebs 8 di December
di 7-9 pm na Aurora Funeral Home y entiero ta
diabierna 9 December di 2-4 or na Aurora.

Despues di entiero nos no ta ricibi bishita di
condolencia na cas.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**
Irenestraat 21 Aruba
297-588-1179

**Fundacion Pa Nos
Muchanan**
Cumana 2 Aruba
297-583-4247

**Fundacion Tel Pa
Hubentud**
Wilhelminastraat 19
Aruba
297-588-6138
**Koningin Wilhelmina
Fonds**
Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999
Rode Kruis Aruba
Pedro Gallegostraat 14
Tel.297-582-2219
Fax 588-3376

Famia Planea (SBVO)
Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.
com

**Stichting Fundacion
Guia Mi**
George Madurostraat 34
297-582-0088

Y M C A
Calbasstraat 1 Aruba
297-582-3072

AL-ANON group
Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm **24 ora**

Botica na warda

Oranjestad: San Nicolas:
Central Seroe Preto
Tel. 585 1965 Tel. 584 4833

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107

Tip Line

11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699

Servicio di Taxi

**Aruba Transfer Tour &
Taxi C.A.**
Tel: 582 2116 /582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Aurora
Royal Pray
Funeral Home & Crematory
Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

El gigante frente a ti nunca es más grande que Dios dentro de ti

Con profunda pena, pero conforme con Dios su voluntad, la familia Montaña Martínez tenemos el dolor de anunciar la partida de nuestra querida



Ana Rosa Montaña Martínez
*26-02-1962 - † 27-11-2022
en vida dueña del salón Ana Rosa en Madiki

En nombre de su:

Padres:

†Elpidio Montaña

†Alejandrina Martínez

Hijos:

Raicy Morillo Montaña

Emmanuel Morillo Montaña

Nietos:

Nasla, Rainelis, Raiyan, Luis Manuel Morillo

Su compañero en vida:

Francisco Alberto Florentino

Hermanos:

Fredy Martínez y su esposa Mirian Aybar

†Dionicio Montaña

†Francisco Montaña

Alejandro Montaña

Martha Montaña

Sobrinos:

Luis Javier, Pedro Luis, Argeni, Francisco, Yafreisy, Janelfri, Victoria, Frederick, Wilfredo, Awilda

Como su familia en Aruba:

Maria Cecilia Carrion Santos y familia

Como amigos y amigas en aruba:

Sr Alberto de Veer y sus empleados

Tita, Andrea, Biembe, Niorky, Fela, Candy, Susi, Hector Santana, Junior Tijera, Carmen, Soraida, Rina, Cornelia, Indira, Suny, Clotilde, Damaso, Dominga, Jossy, Irene, Jorge Ramos y familia (dueño del local donde estaba el salón Ana Rosa), Jacky Martínez, Consulado Dominicano y todo su personal aquí en aruba

Como sus hermanos en Aruba y New York:

Junior, Yanery, Yohanny

Su ex jefa

Marisol y Antonia Hernandez

Sus ex Colegas:

Biemba, Daisy, Julia, Magnolia, Anabel, Papo, Jenny, Altagracia, Miguelina, Madeline, Papalote, Fion

Pido excusa si en medio de nuestra tristeza y dolor hemos olvidado a algunas personas. invitamos el pueblo de aruba para el día de su despedida que sera el Lunes día 12 de diciembre en la funeraria Aurora Funeral Home en Cumana de 7pm a 9pm.

Pedimos encarecidamente en vez de arreglos o flores tendremos una caja disponible para todo aquel que pueda colaborar por dicha causa

Aurora
Royal Pray
Funeral Home & Crematory
Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Laga tur loke ta spera mi ta bunita.

Laga tur locual cu mi encontra na caminda ta bunita.

Laga tur locual cu mi laga atrás keda bunita y

Laga esakinan termina den tur bunita.”

-Cado Wever-



Agradecido pa su inmenso amor y dedicacion, pa su famia nos ta anuncia cu profundo tristeza na nos curazon, fayecimento di nos querida mama, wela, suegra, ruman, tanta y madrina:

“Ida-Lee Downey-Every”
11 September 1948 – 5 December 2022

Na number di su:

Esposo: †James Michael Downey

Yiu: Donna-Lee y Ramsey Rasmijn-Downey

Nietonan: Asher y Levi

Rumannan:

Rita Every y famia

Dederick y Annie Every-Heijden y famia

Errol Every y famia

Patricia Every-Wong y famia

Brenda Every y famia

Frederick y Teresa Every-Briceño Bonilla y famia

Bernadetta Every y famia

Raymond y Verouschka Every-Kock y famia

Prima: Cecilia Frigerio-Jacobs y famia

Sobrino- y sobrinanan, ihanan, amigonan, conocirnan, bisiñanan y demas famia ta invita bosonan pa asisti na e acto di despedida cual lo tuma lugar diasabra 10 di december na Aurora Funeral Home di 9’or pa 11’or di mainta.

Un gradicimento special ta bay pa “Rosa Moreno Solis” y tambe pa staf y personal di Cas Cristelle.

En bes di flor of krans lo nos ta desea pa por haci un donacion pa fundacion “Ban Uni Man Pa Cria Nos Muchanan”. Por haci esaki na e siguiente banconan: CMB# 225.89.501, AB# 251.629.0190, of RBC# 43.65.011

Aurora
Royal Pray
Funeral Home & Crematory

“Señor ta mi wardador, mi’n tin falta di nada.”

Cu dolor den nos curazon nos ta anuncia fayecimento di nos ruman y tanta stima.

Ulrica Teresita Arends “Iti”
*07 november 1935 – †06 december 2022



Rumannan:

Evelina Raven-Arends

Jane Raven-Arends

Griselda Arends y Rients van Amerongen

Mario y Giselle Arends-Wever

Subrina(o)nan:

Evy Raven

Apito y Marta Raven-Perez y famia

Myrilla y Edwin Hsing-Raven y famia

Ricky y Yamileth Raven-Murillo y famia

George Arends y famia

Clarissa Laclé y Marcel van Vroenhoven y famia

Alvin Laclé y Janice Bangsadijiwa y famia

Walter y Amy Laclé-Martinez y famia

Mariselle y Lukacz Pelka y famia

Marisol y Arjan Grootwagers y famia

Melany Arends y Quinten van de Merlen

Richard y Nathalie Arends y famia

Suyen Pieters-Muyale y Raquel Muyale y famia

Nana: Josefita Epicyu

Miho amiga: Gladys Arends

Y tur su ihanan y demas famia

Ta invita pa e acto di entierro cu lo tuma lugar diahuebs

8 di december 2022 di 2or pa 4or di atardi na Aurora

Funeral Home y despues pa Santana Catholico na Playa.

Aurora
Royal Pray
Funeral Home & Crematory
Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada.

Den cunucu di yerba berde e ta ponemi sosega.

E ta hibami na awa trankil, Pa mi bolbe haña forsa”.

Salmo: 23.



Cu inmenso tristesa na nos curason pero conforme cu Dios su boluntad, nos ta anuncia fayecimento cristianamente di:

Sra Vda. Theresita Lucia Ridderstaat Kelly

Mihor conoci como: Chita, Mamai

*12 December 1935 † 6 December 2022

Vuida di † Dominico Ridderstaat, Buchi

Na number di su:

Yiunan:

Mena y Nicholaas Maduro Ridderstaat y Yiunan.

Lorenzo y Marieta Ridderstaat Zievinger y Yiunan.

Sonja Ridderstaat y Yiunan

Lorencia y †Carlos Ras Ridderstaat yiunan.

†Johannes y Melvina Banfield Ridderstaat y Yiunan.

† Lourdes Ridderstaat y Siro Ras y yiu

Nieto y Nieta nan:

Francis Arcaya y Merlys Cortez y Yiunan.

Elizabeth Arcaya y Yiunan.

Yowelly Arcaya y Yiu.

Nigel y Zafiro Ridderstaat Pardon y Yiunan .

† Angelique Ridderstaat y Yiu.

Marcelino Grant y Yiunan.

Yoacani y Edson Wernet Grant y Yiu.

Yahaira Grant y Yiu.

Jairo Grant

Jovanny Ridderstaat

Jovanka Ridderstaat

Yannick Ridderstaat

Sandy y Rosalba Ridderstaat Rasmijn y Yiunan.

Carlos Ras y Yiu.

Jesus Ras.

Doris Ras y Yiu.

Su bisnieto stima manera su yiu: Lorensly

Ridderstaat.

Tur Primo y Primanan, Tur Bisanieta y Bisanieta

nan, Tata na nieto y Tata na nieta nanComer y

compennan, Ihanan, bisiñan.

Tur famianan: Kelly, Kock, Leest, Ridderstaat, Arends, Zievinger, Quandt, Giel, Gomez, Boekhoudt, Webb, Tromp, Lezier, Samson, Medina, Perez.

Acto di condolencia lo tuma lugar: Diamars 13 December 2022.

di 7or pa 9or di anochi na Aurora funeral Home.

Ta invita pa asisti na acto di entierro cual lo tuma lugar Diaranson 14 December 2022 na Misa Santa Anna na Noord. E restonan mortal di nos defunto Sra Vda. Theresita Lucia Ridderstaat Kelly lo ta reposa for di 2or te 4or den Misa y despues nos lo ta saliendo pa Santana na Catolico na Noord.

Nos ta lamenta cu despues di entierro no por ricibi bishita di condolencia na cas.

Nos ta pidi disculpa si den nos tristesa nos por a lubida di menciona cualquier famia, amistad y/of conoci.

Aurora
Royal Pray
Funeral Home & Crematory
 Cumana # 76 & # 44/ van Speyckstraat # 1
 Oranjestad, Aruba
 Telephone: (297) 588-6699
 E-mail: info@aurorafuneralaruba.com

Señor ta mi wardador, mi
 n' tin falta di nada; den
 cunucu di yerba berde E
 ta pone' mi sosega. E ta
 hiba' mi na awa trankil, pa
 mi bolbe haya forsa.
 Salmo 23

Cu gran tristesa, pero
 conforme cu Dios su
 voluntad, nos ta anuncia e
 fayecimento di



Ephrem Gerrit Croes
 Mihor conoci como Frem
 *18-06-53 - †2-12-22

Na number di su casa
 Rosalinda (Linda) Croes-Tromp
 Yiunan
 Ellen Croes
 Rhamsey y Renate Croes-Hogendoorn
 Gerrit Croes
 Nietonan
 Quint, Janou y Max Croes
 Mayornan
 †Roman (Ro) y †Marie Croes-Maduro
 Ex-casa: Yvonne de Cuba
 Rumannan
 †Sinda Croes
 Meachel y Mayra Croes-Tromp
 Carlo y Francis Croes-Werleman
 Ricky y Xiomara Croes-Williams
 Henry Croes y Disney Correa
 Manera ruman
 Anthony y Violeta Maduro-Boekhoudt y famia
 Sobrionan
 Giovannino Kelly y Josh Sammon, †Giannina y
 Fred Davies-Kelly
 Angelo Croes y Nicole Oduber, Jennyfer Croes y
 Jairo Oduber
 Carhina Croes, Carolina y Eldrick Panneflek-Croes,
 Caldric y Yendy Croes-Alvarez Narvaez
 Emma Croes
 Jhendrick, Jhennelly y Alexa Croes
 Tanta y omonan
 †Fein y †Juanita Maduro-Kelly y famia
 †Luisa y †Eddy Muller-Maduro
 †Clarita y Nicky Kelly-Maduro y famia
 †Lucia Maduro y famia
 †Jani y †Chichia Maduro-Ras y famia
 Emilio y Ana Maduro-Barboza y famia
 Linda y †Salomon de Castro-Maduro y famia
 Betty y Panchito Tromp-Maduro y famia
 †Jorge Maduro y famia
 Yvonne Maduro y famia
 Glenda Maduro y famia
 Tanta grandi: Dolorita Ras
 Swa y cuñanan
 Patricia Tromp y famia
 Glenda y Pete Geerman-Tromp y famia
 Liesje Tromp
 Famianan
 Croes, Maduro, Ras, Kelly, Tromp, Werleman,
 Williams, Correa, Boekhoudt, Sammon, Davies,
 Hogendoorn, Oduber, Panneflek, Leon, Barboza,
 de Castro, Geerman, Koolman, Rasmijn, van der
 Biezen y Ruiz.
 Y demas famia, amigo y conocirnan.
 Ta invita na acto di despedida cu lo tuma lugar riba
 diasabra 10 di december 2022 di 1or pa 3or di atardi
 na Misa San Francisco na Playa. Cremacion lo tuma
 lugar den seno familiar.

Nos ta pidi disculpa si nos por a lubida algun
 familiar, amigo of conoci di e defunto.

Ta lamenta cu despues di entierro no ta ricibi bishita
 di condolencia na cas.

Aurora
Royal Pray
Funeral Home & Crematory
 Cumana # 76 & # 44/ van Speyckstraat # 1
 Oranjestad, Aruba
 Telephone: (297) 588-6699
 E-mail: info@aurorafuneralaruba.com

“Señor ta mi wardador, mi'n tin falta di nada
 Den cunucu di yerba berde E ta ponemi sosega.
 E ta hiba mi na awa trankil,
 Pa mi bolbe haña forsa”.
 Salmo: 23

Cu hopi tristesa pero conforme Dios su voluntad,
 nos ta anuncia cu a fayece nos kerida tata, ruman,
 omo, welo y bisa-welo:



Francisco Boekhoudt
 Cariñosamente yama 'Fan'
 04 oktober 1933 - 02 december 2022
 Ex trahado di Lago

Vdo. di †Cerilia “Rika” Boekhoudt-Boekhoudt

Yiunan:
 Jacinto Boekhoudt
 Linda Boekhoudt
 Genaro & Petra Boekhoudt
 Lucia Boekhoudt

Nieto y Nietanan:
 Armando Boekhoudt
 Daniela Boekhoudt
 Janine Lacle
 Alfred Lacle
 Fredric Lacle
 Derrick Lacle & Claudia Croes
 Delano Boekhoudt

Bisa-nieto y bisa-nietanan:
 Jaron Pitter
 Jatcelyn Pitter
 Ariadne Lacle
 Keon Lacle
 Kane Lacle

Su rumanan:
 Celestina Boekhoudt y famia
 Evangelina Boekhoudt y famia
 Cecilia Boekhoudt
 †Anita Thiel
 †Cornelia Boekhoudt
 †Catrine Boekhoudt
 †Nicolas Boekhoudt

Bisiña y amigonan di cas:
 Edwin 'Ety' Vrolijk
 Alvin Lacle y famia
 Sra. Femy

Tur su primo/a nan, subrino/a nan, ihanan,
 conocirnan y demas famianan Boekhoudt, Lacle,
 Dewitte, Croes, Navas, Wouters, Schwengle,
 Erasmus, Vrolijk, Kelly y De Mei.

Ta invita pa acto di condolencia y despedida cu lo
 tuma lugar diabierna 9 december 2022 di 9:00am
 te cu 11.00am na Aurora Funeral Home sigui pa
 Santana di Paradera.

Si den nos tristesa nos por a lubida di menciona
 un of mas familiar of ser keri, nos ta pidi nos mas
 sinceri disculpa.

Nos ta lamenta cu despues di entierro nos no lo
 ricibi bishita na cas.

Aurora
Royal Pray
Funeral Home & Crematory
 Cumana # 76 & # 44/ van Speyckstraat # 1
 Oranjestad, Aruba
 Telephone: (297) 588-6699
 E-mail: info@aurorafuneralaruba.com

“Dios ta amor... y
 amor ta Dios, maske
 mi no ta na e mundo
 aki, tur dia lo mi
 ta banda di boso
 Curazon, mi por stens
 di loke Señor ta hasi”
 Salmo 33

Cu dolor na nos
 curason, nos ta
 participa fayecimento
 di nos ser stima:



**Sra. Vda. Gloria Andrea
 Tromp-Lares**
 Cariñosamente yama “Gogo”
 *04-02-1930 - †03-12-2022

Esposu:
 †Onofre “Novio” Tromp
 Yiunan:
 Marichi y Francisco Geerman-Tromp
 Geronimo “Ronny” y Imelda Tromp-Rafini
 Ivonne y Milo Krosendijk-Tromp
 Nieta(o)nan:
 Jane y Alvin Geerman-Geerman y yiunan
 †Mary Geerman y Jo Maduro y yiunan
 Geneyda y Akash Jawalapersad-Geerman y
 yiunan
 Francis Geerman y Claudine Haayen
 Rodney y Ligia Tromp-Gaari y yiunan
 Roland y Angelica Tromp-Cuero y yiunan
 Robert y Suraima Tromp-Mackay y yiunan
 Reginald y Samantha Tromp-Zievinger y
 yiunan
 Emil Krosendijk y Ligia Sambonie y yiunan
 Emily Krosendijk y Patrick van Heyningen
 Mescos cu nieta: Glaryleidy Fernandez-
 Polanco
 Bisanieta, bisanieta y tataranietos: mucho hopi
 pa menciona
 Cuña: Lina Tromp y yiunan
 Tur subrina y subrionan primo y primanan
 Bisiñanan: Mena-Chon-Leta-Faustina-
 Zosimo-Francis-Crispin-Ruben y Mery
 Famia y conocirnan: Tromp, Lares, Geerman,
 Krosendijk, Rafini, Jawalapersad, D'Abreu
 Ribeiro, Colina, Maduro, Piña, Schoop,
 Nuboer, Christiaans, Romero, Van Asperen,
 Engelhardt, Hart, Braaf, De Windt, Muller,
 Bello, Evertsz, Koolman, Barango,
 Felix, Kervezee, Tonk, Hasseth, Giron, Blanco,
 Haayen, Gomes, Albertus, Bermudez, Frans,
 Jacobs, Frank, Wolff, Eckmeyer, Luidens,
 Franken, Dirks, Esteba, Croes, Carmicheal,
 Douglas y Fernandez Polanco.
 Famianan na Hulanda-Corsow-Bonaire y
 Venezuela
 Tur miembronan di Grupo Kawara

Un disculpa si den nos tristesa nos por a lubida
 un famia.

Acto di Condolencia lo tuma lugar Diabierna
 9 di December di 6 pm pa 9 pm na Boegoeroei
 #87C.

Acto di entierro lo tuma lugar Diasabra 10 di
 December di 2 pm pa 4 pm na Aurora Funeral
 Home despues pa Santana Catolico di Noord.

Weekly SPECIALS

 <p>3.99 Per KG</p> <p>Limes (Green)</p>	 <p>9.99 Per KG</p> <p>German Sausage</p>	 <p>11.95 Each</p> <p>Beyond Meat Beef Free Burger 8oz</p>	 <p>15.99 Each</p> <p>Yellow Tail Assorted Wines 750ml</p>
 <p>2.99 Per KG</p> <p>Cabbage Green USA</p>	 <p>2.99 Each</p> <p>Pomegranates</p>	 <p>48.99 Per KG</p> <p>Lamb Shoarma</p>	 <p>9.99 Per KG</p> <p>Pork Spareribs</p>
 <p>9.49 Each</p> <p>Bouducco Panettone 400gr</p>	 <p>10.99 Each</p> <p>Kellogg's Rice Krispies Cereal 12oz</p>	 <p>2.49 Each</p> <p>WH Organic Garbanzo Beans can 15oz</p>	 <p>2.99 Each</p> <p>Spar Flour Tortilla Wraps 370gr</p>
 <p>3.99 Each</p> <p>Pillsbury Funfetti Cake Mix 15.25oz</p>	 <p>10.49 Each</p> <p>Downy Liquid Fabric Softener Ocean Breeze 2800ml</p>	 <p>11.99 Each</p> <p>Aidells Assorted Sausage 12oz</p>	 <p>10.99 Each</p> <p>Colgate Toothpaste Optic White Charcoal 4.2oz</p>
 <p>5.49 Each</p> <p>Moro Goulashkraket 324gr</p>	 <p>3.59 Each</p> <p>Limited Too Metal Head Band</p>	 <p>1.99 100 GR</p> <p>Cooked Ham 35%</p>	 <p>2.19 100 GR</p> <p>American White Cheese</p>

DAIRY/FROZEN

HBC/GM

DELI/BAKERY

SUPER
Do it Center.

VALID FROM
09 DEC - 15 DEC 2022
and while supplies last

SUPER Do it Center Aruba | Shaba 3, Noord Aruba | 5831111 | customerservice@doit.aw